

B

HARVARD COLLEGE LIBRARY
FROM THE
HARVARD-YENCHING
INSTITUTE
FEB 7 1930

35

35

6.05/
T Ch L 5235.4462b

文苑英華卷第三百三十一

詩行一

天

雪二首

雨六首

月五首

雲二首

霹靂一首

明河一首

四時

春三首

秋四首

冬三首

天

白雪歌

朱孝廉

凝雲凌霄漢從風驚

樂府作飛

且散聯翩避幽谷徘徊依井幹

既興楚客謠亦動周王歎所恨輕寒早不待春光旦

樂府作春

且陽

哈佛大學哈佛燕京圖書館珍藏印

瑞雪篇

劉廷琦

紫宸飛雪曉徘徊層閣重門雪照開九衢晶一作耀浮埃
 盡千品卷池贄帛來何處田中非種玉誰家院裏不生梅
 埋雲翳景無窮已因風落地吹還起先過翡翠寶房中轉
 入鴛鴦金殿裏美人含笑出聯翩艷逸輕相關客止羅衣
 點着渾是花玉手搏來半成水奕奕紛紛何所如頓憶陽
 園二月初羞同班妾一作高秋扇欲照明王乙夜書姑射
 山中符聖壽芙蓉闕下降仙一作神車願垂簾澤流無限長
 揖豐年貴有餘

此詩一百五十五卷重出前已削去注異同為一作

秋雨嘆二首

杜甫

雨中百草秋爛死皆下塊明顏色鮮着葉滿枝翠羽蓋
 花無數黃金錢涼風蕭蕭吹汝急恐汝後時難獨立堂上
 書生空白頭臨風三嗅馨香泣

二

蘭風長音雨一作蘭風秋紛紛四海一作萬里八荒同一雲去

馬來牛不復辯濁涇清渭何當分禾頭生耳黍穗黑農夫
 田父無消息城中斗米抱集作衾稠相許寧論兩相直

三

長安布衣無此數反鎖衡門守寒堵老夫不出長蓬蒿稚
 子無憂走風雨雨聲颼颼催早寒相薦趨濕高飛難秋來
 未魯集作見白日泥汗后集作土何時乾

夜雨吟集作歌

屋小茅乾雨聲大自疑身着蓑衣卧蕪是集作似孤舟夜泊
時風吹折箬來相佐我有愁衿集作襟無可那纔成好夢剛
驚破背壁寒燈不及螢重挑却向燈前坐

陸龜蒙

和柯古窮居苦熱喜雨

常蟾

貞機澹少思雅尚防多僻攬葛猶不畏疑勞形同處瘠頭
焦詎是焚背汗寧關炙方欣見潤礎那虞悲鑠石道與古
人期情難物外適幾懷朱印綬頗曠金門籍清興已蕭蕭
陳柯將槭槭玉律詩調正瓊卮酒腸窄衣桁襲中單浴床
拋下絡黎侯寓於衛六義非凡格

秋霖歌

李沆

西方龍兒口猶乳初解驅雲學行雨縱恣群陰駕老虬
永蹄涔盡奔注葉破苔黃未休滴膩光透長征莎色恨無
長劍一千仞劃斷頑雲看晴碧

閑霄望月

卷箔舒紅茵當軒翫明月懿哉深夜中靜聽歌初發苔含
殿華濕竹影蟾光紫轉扇來清風援琴飛白雪行愁景候
變坐恐流芳歇桂影有餘光蘭燈任將滅

拜新月

吉中孚妻張夫人

拜新月拜月出堂前暗魄初一作深籠桂虛弓未引弦拜新
月拜月粧樓上鸞鏡始一作未安臺蛾眉已相向拜新月拜
月不勝情庭前風露清月臨人自老人望月一作望月更長生

東家阿母亦拜月一拜一悲聲斷絕昔年拜月逞容儀一作
華如今拜月雙淚垂迴看衆女拜新月憶却紅閨年少時
一作皆

明月

李如璧

三五月華流炯光可憐懷歸郢路長逾江越漢津無梁遙
遙永夜思茫茫昭君失寵辭上宮娥眉蟬娟卧氈穹胡人
琵琶彈北風漢家音信絕南鴻昭君此時怨盡工可憐明
月光臃腫節旣秋兮天向寒沅有漪兮湘有瀾沅湘糾合
淼漫漫洛陽才子憶長安可憐明月復團團逐臣戀主心
愈恪棄妾思君情不薄已悲芳歲徒淪落復恐紅顏坐銷
鑠可憐明月方照灼向影傾身比葵藿一作藿

秋閨月

權德輿

三五二八光一作月如練海上天涯人共見不知何處玉樓
前乍入深閨瑤瑁筵露濃香逕知愁坐風動羅帷照獨眠
初捲珠簾看不足斜抱箜篌未成曲稍映粧臺臨綺牕遙
知不語淚雙雙此時愁望知何極萬里秋天同一色霽霽
遙分陌上光迢迢對此閨中憶早晚歸來歡讌同可憐歌
吹明月中此夜不堪腸斷絕願隨流影到遼東

洞庭秋月行

劉禹錫

洞庭秋月生湖心層波萬頃如鎔金孤輪徐轉光不定遊
氣濛濛隔寒鏡是時白露三秋中湖平月上天地空岳陽
城頭暮角絕蕩漾已過君山東山一作孤城蒼蒼夜寂寂水

月逶迤遶城白蕩漿巴童歌竹枝連樞佑客吹羌笛勢高
夜久陰力全爽氣肅肅開清蹕浮雲夜鳥歸四裔首冠一作
字闕星斗當中天天鷄相呼曙霞出劍影含光讓朝日日出
喧喧人不閑夜來晴景非人間

慶雲章

陳子昂

崑崙元氣寔生慶雲大人作矣五色氛

集作

氤昔在媯帝

集作

南風既薰叢芳

集作

爛漫穢穢

集作

紛紛曠矣千祀

慶雲來止玉葉金柯祚我天子非我天子慶雲誰昌非我
聖母慶雲誰光慶雲光矣周道昌矣九萬八千天授皇年

白雲歌寄陸中丞使君長源

釋皎然

一見西山雲使人情意遠意高登詠何遙迢道妙有如看

舒卷

一作如君

縈空疊景多麗容衆峯峯上自爲峯潔白

不由陰雨積高明肯共雜煙同萬物有形皆有着白雲有

形無

一作難

繫縛黃金被鑠玉亦暇一片飄然汗不着或逢

天上或人間人自營營雲自閑忽爾飛來暫爲侶忽然飛

去莫能攀逸民對雲效高致禪子逢雲增道意白雲遇物

無偏頗自是人心見同異閭闔天門宜曙看華

一作爲

纓作

蓋擁千官從龍合沓臨清署就日逶迤繞露寒誰憐西山

雲亭亭處幽絕座右長看非我羈手中欲攬待君說貞白

先生那得知解向山中自怡悅

霹靂引

辛德源

出地聲初奮乘乾威更作雲銜天笑明兩帶星精落碎枕

神無撓震盪書自若時聞明樂府作側聞吟白虎遠觀飛白鶴舞玄鶴

作遠見

明河篇

宋之問

八月涼風天氣晶萬里無雲河漢明昏見南樓清且淺曉
落西山縱復橫洛陽城闕天中起長河夜夜千門裏複道
連甍共蔽虧畫堂瓊戶特相宜雲母帳一作屏前初泛濫一作
灑水精簾外轉逶迤倬彼昭回如練白復出東城接南陌
南陌征夫文粹去不歸誰家今夜搗寒衣鴛鴦機上踈螢
度烏鵲橋邊一鴈飛鴈飛螢度愁難歇稍見星河文粹
河又作坐漸微沒已能舒卷任浮雲不惜光輝流月明文粹
見河傾月明河可望不可親願得乘槎一問津更將織女支機石

遠訪成都賣卜人

四時

春日篇

梁元帝

春還春節美春日春風過春正類聚日日異春情處處多
處處春芳動日日春禽變春意春已繁春人春不見不見
懷春人徒望春光新春愁春自結春結詎能申欲道春園
趣復憶春時人春人意何在空爽上春期獨念春花落還
似惜春時

奉和湘東王春日篇

梁鮑泉

新燕始新歸新蝶復新飛新花滿新樹新月麗新輝新光
新氣早新望新盈抱新水新綠浮新禽新聽好新景自新

還新葉復新攀新枝雖可結新愁詎解顏新思獨氛氲新
知不可聞新扇如新月新蓋學新雲新落連珠淚新點石
榴裙

春日行

李白

深宮高樓入紫清金作蛟龍繡集作盤繡楹佳人當牕弄白
日絃將手語彈鳴箏春風吹落君王耳此曲乃是昇天行
因出天池泛蓬瀛樓船蹙沓浪波驚三千雙娥獻歌笑搗
鍾考鼓宮殿傾萬姓聚舞歌太平我無為人自寧三十六
帝欲相迎仙人飄翻下雲輶帝不去留鎬京安能為軒轅
獨往入杏集作宵冥小臣拜獻南山壽陛下萬古垂鴻名
秋辭後篇作秋氣摧落見三百五十八卷 梁元帝

去秋行

杜甫

去秋涪江木落時臂蒼集作槍走馬誰家兒到今不知白骨
處部曲有去皆無歸遂州城中漢節在遂州城外巴人稀
戰場冤魂每夜哭空令野營猛士悲
秋日篇見一百五十八卷 鮑泉

秋來

李賀

桐風驚心志集作壯士苦衰燈絡緯啼寒素誰看青簡一篇
書不遺花虫粉空嘉思牽今夜腸應直兩冷鄉集作淚魂弔
書客秋墳鬼唱鮑家詩恨血千年土中碧

冬日傷志篇

邢子才

昔時情遊士任性少矜裁朝驅瑪碯勒夕啣熊耳杯折花

贈淇水撫琴望叢臺繁華宿昔改衰病一時來重以三冬
月愁雲聚復開天高日色淺林勁鳥鳴類作聲哀終風激簷

響類聚作字餘雪滿條枚遨遊昔宛洛踟躕今草萊時事方去

矣撫已獨懷哉初學記作傷懷

冬夜吟

陳陶

黑帝天寒愁散玉東皇海上張仙燭侯家歌舞案梨園石
氏賓寮醉金谷魯家檐榆闥披水雪花燈下甘垂翅散帙
高編折桂枝披紗密甃青雲地霜白溪松轉斜蓋銅龍喚
曙咽聲細八埏螻蟻狀寒栖早晚青旗引春帝展轉城烏
啼紫天瞳矇千騎衙樓前

冬宵引

宋之問

河有冰兮山有雪北戶瑾兮行人絕獨坐山中兮對松月
懷美人兮屢盈缺明月的的寒潭中青松幽幽吟勁風此
情不向俗人說愛而不見恨無窮仙謚二首

懷仙歌一首

桃源行二首

龜頭山神女歌一首

馬明生遇仙女歌一首

天上謠一首

朝上清歌一首

漢武帝雜歌三首

王子喬行一首

文苑英華卷第三百三十一

冬夜吟

附隋

黑帝天寒熱散玉東皇海上張仙鶴侯家歌舞案梨園石
 氏寶察醉金谷魯家樵榆閣披水雪花燈下其垂翅散映
 高編亦杜枝披紗客苑青雲地霜白溪松轉斜蓋銅龍
 靜不向谷入錯愛而不其壯無窮青旗引春帝展轉城
 謝美入今變盛知即具幽幽寒戰中青外幽幽今悵風出
 同休水令山直望北兵鞋令許入盤盤坐山中山令控餘具

文苑英華卷第三百三十一

歌行二

仙道

華清詞二首

夢仙謠二首

懷仙歌一首

桃源行二首

龜頭山神女歌一首

馬明生遇仙女歌一首

天上謠一首

朝上清歌一首

漢武帝雜歌三首

王子喬行一首

王華仙子歌一首

學仙難一首

元丹丘歌一首

仙人詞二首

謫仙詞一首

王母歌一首

華清詞

劉禹錫

日出驪山東徘徊照溫泉樓臺相集作影玲瓏稍稍開白烟

言昔太上皇常居此祈年風中聞清樂往往來列仙翠華

入五雲紫氣歸上玄哀哀生人淚泣盡弓劍前聖道本自

我凡情徒顛然小臣感玄化一望青冥天

同前

顧雲

祥雲皓鶴盤碧空喬松稍稍韻微風絳節影來朱幡響丁

東相公清齋朝藥宮太上符籙龍蛇散花天女侍香童隔

烟遙望見雲水瑤吹鳳清瓏瓏丹砂黃金世可度願啓一

言告仙翁道門弟子山中客長向山中禮空碧九色真龍

上漢時願把霓幢引仙客一作烟策

夢仙謠

李沈

海濤驚浪收殘月挈壺掌事傳更歇銀蟾半墜恨流咽太

鰲披月撼蓬闕九炁真翁騎白犀臨池靜聽雌蛟啼桂花

浥露曙香冷八慾王朗驚晨雞栽紗剪羅貼丹鳳臆霞遠

閉瑤山夢露乾欲醉芙蓉塘迴首驅雲朝正陽

同前

祝元膺

蟾蜍夜作青冥燭蟬蛸晴爲碧落梯好箇分明上天路誰

教深入武陵溪

懷仙歌

李白

一鶴東飛過滄海放心散漫知何在仙人浩歌望我來一作

秋應攀王樹長相待堯舜之事不足驚自餘囂囂真集作直

可輕巨鰲莫戴三山去我欲蓬萊頂上行

桃源行

王維

漁州逐水愛山春兩岸桃花夾去一作古津坐看紅樹不知

遠行盡清溪忽值一作不見人山口潛行始隈隩山開曠望旋

平陸遙看一處攢雲樹近人千家散花竹樵客初傳漢姓

名居人未改秦衣服居人共住武陵源還從物外起田園

月明松下房櫳淨一作靜日出雲中雞犬喧一作驚忽一作聞俗客

爭來集競引還家問都邑平明閭巷掃花開薄暮漁樵乘

水入初因避地去人間及至一作更聞成仙去一作遂不還峽裏

誰知有人事世中遙望空雲山不疑靈境難聞見塵心未

盡思鄉縣出洞無論隔山水辭家終擬長遊衍自謂經過

舊不迷安知岑一作峯壑今來變常時只記入山深青溪幾

度一作幾回到雲林春來遍是桃花水不辨仙源何處尋

一作皆文粹

同前

武陵川徑入幽遐中有雞犬秦人家家家傍流水多桃花桃

花兩邊種來久流水一道何時有垂條落盡暗春風夾岸

芳菲至山口歲歲年年能寂寥林下青苔日為厚時有仙

鳥來啣花曾無世人此携手可憐不知若為名君任一作往

從之多所更古驛荒橋平路盡崩湍怪石小溪行相見維

舟登覽處紅堤綠岸宛然成多君此去從仙隱令人晚節

悔營營

龜頭山神女歌

韋應物

龜頭之山直上洞庭連青天蒼蒼煙樹閉古廟中有蛾眉
城水仙水府沉沉行路絕蛟龍出沒無時節魂同魍魎潛
太陰身與空山長不滅東晉永和今幾代雲髮素顏猶矜
矇陰作沉深靈氣靜凝美的饒龍綃雜瓊珮山精木魅不敢
親昏明響像如有人蕙蘭瓊芳積煙露碧窻松月無冬春
舟客經過莫椒醕巫女南音歌激楚碧水冥空見鳥飛長
天何處雲隨雨紅葉綠蘋芳意多玉靈蕩漾陵清波孤峯
絕島儼相向鬼嘯猿啼垂女蘿皓雪瓊枝殊異色北方絕
代徒傾國雲沒煙銷不可期明堂翡翠無人得精靈變態
狀無方游龍宛轉驚鴻翔相妃獨立九疑暮漢女菱歌春
日長始知仙事無不有可惜吳宮空白首

馬明生遇神女歌

前人

學仙貴功集作工亦貴精神女變化感馬生石壁千尋啓雙
檢中有玉床鋪玉簾集作堂立之一隅不與言玉體安穩三
日眠馬生一立心轉堅知無丹白蒙哀憐安期先生來起
居請示金璫玉珮天皇書神女呵責不合見仙子謝過手
足戰大瓜玄棗冷如冰海上摘來朝暮凝賜仙復坐對食
了集作訖領之使去隨雲升乃言馬生合不死少頃集作姑勅
教令付爾安期再拜將生出一授素書天地一作章畢

天上謠

李賀

天河夜轉杓回星銀浦流雲學水聲玉宮桂樹花未落仙
姿綵女集作妾採春垂珮纓秦妃捲羅八方曉集作北曉集作簾前食

桐青鳳小王子吹蕭鵝管長呼龍耕煙種瑤草粉霞紅綬
藕絲裙青洲步拾蘭若春東指羲和能走馬海雲集作初
生石城集作下

朝上清歌

顧况

潔眼朝上清綠景開紫霞皇皇紫微君左右皆靈娥曼聲
流睇和清歌此至陽無諉其樂多此旌蓋颺杏簫鼓和此
金鳳玉鱗鬱駢羅此反風名香香氣遐此瓊田瑤草壽無
涯此君着玉衣升玉車此欲降瓊宮玉女家此其桃千年
始着花此蕭寥天清而滅雲日瓊瓊兮情感珮隨香今夜
聞蕭蕭兮悒悒啓天和兮洞靈心和為丹兮雲為馬君乘
之觴于瑤池之上兮三光羅列而在下

漢武帝雜歌三首

韋應物

漢武帝好神仙黃金作臺與天近王母海上摘桃集作

海上還感之西過一作聊問訊欲來不來夜未央殿前青鳥

先徊翔綠鬢紫雲裙曳霧雙節飄飄下仙步白日分明到

世間碧空何處來時路玉盤捧桃將獻君踟躕未去留綵

雲海水桑田幾翻覆此桃中間三四熟集作中間此可憐

穆滿瑤池讌正值花開不得薦花開子熟焉集作可期避

逅能當漢武時顏如芳花潔如玉心念武我作皇多嗜慾雖

留桃核桃有靈人間糞土種不生由來在道豈在藥徒勞

方士海上行掩扇一言相謝去如煙非煙不知處

金莖孤峙兮陵紫煙漢宮美人望杳然通天臺上月初出
承露盤中珠正圓珠可飲壽可末武皇南面曙欲分從空
將集作來玉杯冷世間採翠亦作囊八月一日仙人方仙
人稱上藥集作靜者服之恒綽約栢梁沉飲自傷神猶聞
駐顏八十春乃知甘醴集作醴皆是腐腸物獨有淡泊之
水能益人千載金盤竟何處當時鑄金恐不固蔓草生來
春復秋碧天何言空墜露

三

漢天子觀風自南國浮舟大江屹不前蛟龍索闢風濤黑
春秋方壯雄武才彎弧叱浪連山開愕然觀者千萬衆舉
麾齊呼一矢中死蛟浮出不復靈舳艦千里江水清鼓聲

數日在天吳深入魚鼈驚左有飲飛落霜翮右有

鬼貫犀革何爲臨深親射蛟示威以奪諸侯魄威一作可

畏皇可尊平田校獵書猶諫集作此日從臣何不言獨一作

猶有威聲振前集作古君不見後嗣尊爲武

王母歌

武帝齋戒承華殿端拱須臾王母見霓旌照耀麒麟車羽

蓋淋漓孔雀扇手指玄梨遣帝食可以長生臨寓縣上元

頭戴九星冠揔領玉童坐南面欲聞要言今告汝帝乃焚

香請此語若能練魄去三尸後當見我天皇所顧謂侍女

董雙成酒闌可奏雲和笙紅霞白日儼不動七龍五鳳來

相迎惜哉志嬌神不悅歎息馬蹄與車轍復道歌鍾杳將

暮深宮桃李飛成雪但看青玉五枝燈盤螭火盡光亦絕

玉華仙子歌

李康成

紫陽仙子名玉華珠盤承霞餌丹砂轉態疑情五雲裏嬌
顏千歲芙蓉花紫陽綵女紛疑無數遙見玉華皆掩嬈高
堂初日不成妍洛渚流風徒自憐瑤階霓綺閣碧題霜羅
幕仙娥桂樹長自春王母桃花未嘗落上元夫人賓上清
深宮寂歷馱曾城解珮空憐鄭交甫吹簫不逐許飛瓊洛
浴紫庭步渺渺瀛臺路蘭陵貴士謝相逢濟比書生尚廻
顧滄洲傲吏愛金丹清心廻望雲之端羽蓋霓裳一相識
轉疑情寫念長無極長無極永相隨攀霄歷金闕弄影下
蓬池夕宿紫府雲母帳朝食玄圃崑崙芝不學蘭香中道

絕却教青鳥報相思

王子喬行

高允生

仙化非常道其義出自然王喬誕神氣白日忽昇天晻曖
御雲氣飄飄乘長烟寄想崆峒外翱翔宇宙間七月有佳
節控鶴崇崖巔永與時人別一去不復還

元丹丘歌

李白

元丹丘愛集作神仙朝飲潁川集作之清流暮還嵩岑之
紫煙三十六峯長周旋長周旋躡星虹身騎飛龍耳生風
橫河矯集作海與天通我知爾心遊集作無窮

學仙難

韋應物

昔有道士求神仙靈真下試心確然千鈞巨石一髮懸卧

之石下十三年存道忘身一試過名奏玉皇乃昇天雲氣
冉冉漸不見留語子弟集作但精堅

謫仙詞見二百二十五卷

陳陶

僊人詞二首

前人

小仙皆云十洲客莓苔為衣雙耳白清編遺我忽隱身暮
雨紅霞一千尺

二

赤城門開六丁直曉日已紅一作曉東海色朝天半路聞玉

雞星斗離離礙龍翼

文苑英華卷第三百三十二

文苑英華卷第三百三十三

歌行三

紀功

七德舞一首

城西行一首

平齊行二首

平蔡行三首

征戍

大漢行一首

老將行一首

兵車行一首

疲兵篇一首

古遊俠歌一首

木蘭歌一首

新豐折臂翁一首

紀功

七德舞

白居易

德歌知樂意樂終稽首陳其事太宗十八舉義兵白旄黃
鉞定兩京擒充戮竇四海清二十有四功一作業成二十

有九即帝位三十有五致太平功成理定何神速速在推

心置人腹亡卒遺骸散帛收貞觀初詔收天下陣死骸骨

錢帛以饑人賣子分金贖貞觀二年大饑人有鬻男女者

購贖之魏徵夢見子夜天子泣魏徵疾亟太宗夢與徵別既寤

母魏徵夢見子夜天子泣魏徵疾亟太宗夢與徵別既寤

張謹哀聞辰日哭張公謹卒太宗為

在辰陰陽所忌不可上言君臣義重如怨文三千放出宮

太宗嘗謂侍臣曰婦人幽閉深宮情實可憫今將出之任

求仇讎於是令左丞戴胄給事中杜正倫於後庭簡出數

千人盡死囚四百來歸獄貞觀六年上親錄囚徒於死罪

悉至遂悉原之剪鬚燒藥賜功臣李勣嗚咽思殺身

燒灰賜之服訖而愈勣和頭涕泣而謝含血吮瘡撫戰

士思摩奮呼身一作乞効死李思摩嘗中弩太

戰善乘時以心感人人人心歸爾來一百九十載天下至今

歌舞之歌七德舞七德聖人有作垂無極豈徒耀神武豈

徒誇聖文太宗意在陳王業王業艱難示子孫

城西行

城西簇簇三叛族叛者為誰蔡吳蜀中使提刀出禁來九

衢車馬轟成雷臨刑與酒杯未覆仇家百官先請肉守吏

能燃董卓臍饑烏來覘桓玄日城西人散太街平雨洗血

痕春草生

劉禹錫

平齊行二首

前人

胡塵昔起薊北門河南地屬平盧軍貂裘代馬繞東岳
陽孤桐削爲角地形十二虜意驕恩澤含容歷四朝魯人
皆科帶弓箭齊人不復聞簫韶今朝天子聖神武手握玄
符平九土初哀征童襲故事文告不來方震怒去秋詔下
誅東平官軍回合猶嬰城春來群鳥噪且驚氣如壤山墮
其庭牙門大將有劉生夜半射落攬捨星帳中虜血流滿
地門外三軍舞臂盟驛騎函首過黃河城中無賊天氣和
朝廷侍郎來慰撫耕夫滿野行人歌

二

泰山沉寇六十年旅祭不響生愁烟今逢聖君欲封禪神

使陰兵來助戰妖氣

一作氣

掃盡河水清日觀杲杲卿雲見

開元皇帝東封時百神受職爭奔馳千鈞猛箴順流下洪
波溘淡浮熊羆侍臣燕公秉文筆玉檢告天無愧詞當今
睿孫承聖祖岳神望幸河宗舞青門大道屬車塵共侍歲
粧翠華舉

平蔡行三首

蔡州城中衆心死妖星夜落照壕水漢家飛將下天來馬
筆一揮門洞開賊徒崩騰望旗拜有若群蟄驚春雷狂童
面縛登檻車大帛夭矯垂捷書相公從容來鎮撫常侍効
迎負文弩四人歸業閭里閑小兒跳浪健兒舞

二

汝南晨雞喔喔鳴城頭鼓角音和平路傍老人憶舊事相
與感激皆涕零老人收泣集作淚前致辭官車入城人不知
忽驚元和十二載重見天寶承平時

三

九衢車馬渾渾流使臣來獻淮西囚四夷聞風皆失據集作
失天子受賀登高樓杖童擢髮不足數血污城西一杯土
南峯無火楚澤潤夜行不鏢穆陵關策勳禮畢天下泰猛

士按劍看恒山時唯恒山不應

征戍

大漢行

胡皓

單于犯薊堧虜騎畧蕭遼南山木葉飛下地北海蓬根亂
上天蜩蚪連營太原道魚麗合陣武威川三軍遙倚伏萬
軍相馳逐旌旆悠悠靜潮源擊鼓喧喧動虛谷窮微出幽
陵于嗟倦寢興馬蹄凍溜石湖毳暖生冰雲沙泱漭天光
閉河塞陰沉海色凝崆峒此國誰能託蕭索邊心常不樂
近見行人畏白龍遙聞公主愁黃鶴陽春半岐路間瑤臺
苑玉門關百花芳樹紅將歇二月蘭皋綠未還陣雲不散
魚龍水雨雪猶飛鴻鵠山嶂綿連那可極路遠辛勤夢顏
色北堂萱草不寄來東園桃李長相憶漢將紛紜攻戰盈
胡寇蕭條幽朔晶韜昌拜節偏知送鄭吉驅旌坐見迎火
絕煙沉在西極谷靜山空自北平但得將軍能百勝不須
天子築長城

老將行

王維

少年十五二十時，步行奪取胡馬騎。射殺山中白額虎，肯
 數鄴下黃髮兒。一身轉戰三千里，一劔曾當百萬師。漢兵
 奮迅如霹靂，虜騎崩騰畏疾藜。衛青不敗由天幸，李廣無
 功緣數竒。自從棄置便衰朽，世事蹉跎成白首。昔年飛箭
 無全目，今日垂楊生左肘。路傍時賣故侯瓜，門前學種先
 生柳。蒼集作茫古木連窮巷，寥落寒山對虛牖。誓令踈勒
 出飛泉，不似潁川空使酒。賀蘭山下陣如雲，羽檄交馳日
 夕聞。節使三河募年少，詔書五道出將軍。試拂鐵衣如雪
 色，聊持寶劔動星文。願得燕弓射大將，耻令越甲鳴吾君。
見劉說苑莫嫌舊日雲中守，猶堪一戰取功勳。

兵車行

杜甫

車麟麟馬蕭蕭，行人弓箭各在腰。爺娘妻子走相送，塵埃
 不見咸陽橋。牽衣頓足攔道哭，哭聲直上干雲霄。道傍過
 者問行人，行人但云點行頻。或從十五北防河，便至四十
 西營田。去時里正與裏頭，歸來頭白還集作猶。戍邊邊庭流
 血成海水，武集作我皇開邊意未已。君不聞漢家山東二百
 州，千村萬落生荆杞。縱有健婦把鋤犁，禾生隴畝無東西。
 况復秦兵耐苦戰，被驅不異犬與雞。長者雖有問，役夫敢
 伸恨。且如今年冬未休，關集作隴西卒縣官急索租。租稅從
 何出，信知生兒惡。反是生女好，生女猶得集作是嫁比隣。生
 兒埋沒隨百草，君不見青海頭。古來白骨無人收，新鬼煩

冤舊鬼哭天陰雨濕聲

集作悲

啾啾

疲兵篇

劉長卿

驕虜乘秋下薊門陰山日夕煙塵昏三軍疲馬力已盡百

戰殘軀

一作兵

功未論陣雲決漭屯塞北羽書紛紛來不息

孤城望處曾斷腸折劍看時可霑臆元戎日夕且歌舞不

念關山久辛苦自矜倚劍氣凌雲却笑聞笳淚如雨萬里

飄飄空此身十年征戰老胡塵赤心報國無片賞白首還

家有幾人朔風蕭蕭動枯草旌旗獵獵榆關道漢月何曾

照客心胡笳只解催人老軍前仍欲破重圍閨裏猶應愁

未歸小婦十年啼夜織行人九月憶寒衣飲馬湟河

集作

晚更清行吹羌笛遠歸營只恨漢家多苦戰徒令遺鏃滿

長城

古遊俠歌

見三百卷

崔顥

木蘭歌

帝元甫

郭茂倩樂府不知名帝元甫續附入

唧唧何力力

或作歷歷樂府作唧唧復唧唧注作促織何唧唧

木蘭當戶織不聞

機杼聲唯聞女歎息問女何所思問女何所憶女亦無所

思女亦無所憶昨夜見軍帖可汗大點兵軍書十二卷卷

卷有爺名阿爺無大兒木蘭無長兄願為市鞍馬從此替

爺征東市買鞍馬西市買鞍韉南市買轡頭北市買長鞭

旦辭爺娘去暮宿黃河邊不聞爺娘喚女聲但聞黃河流

水鳴濺濺旦辭黃河去暮至

一作宿

黑山頭不聞爺娘喚女

聲但聞燕山胡騎鳴啾啾萬里越戎機關山度若飛朔氣

傳金拆寒光照鐵衣將軍百戰死壯士十年歸歸來見天

子天子坐明堂策勳十二轉賞賜一作賜物百千強可汗欲與

木蘭官一作可汗問所欲不用尚書郎願得鳴一作借明馳千

里足一作願馳送兒還故鄉爺娘聞女來出郭相扶將阿

姊聞妹來當戶理紅粧小弟聞姊來磨刀霍霍向猪羊開

我東閣門坐我西間床脫我戰時袍着我舊時裳當總理

雲髮一作鬢桂一作對鏡帖花黃出門看火伴火伴驚忙忙一作

始驚忙又同行十二年不知木蘭是女郎雄兔脚撲搯一作

作皆驚忙雌兔眼彌一作迷離雙兔傍地走安能辨我是雄雌

新豐折臂翁

白居易

新豐老翁八十八頭鬢眉鬚皆似雪玄孫扶向店前行右

左臂憑肩集作右臂折問翁臂折來幾年兼問致折何

因緣翁云貫屬新豐縣生逢世代無征戰唯聽驪宮歌吹

聲集作慣聽黎不識槍旗集作旗槍與弓箭無何天寶大徵兵

戶有三丁點一丁星胥驅向集作點驅何處去五月萬里雲南

行傳集作聞道雲南有瀘水椒花落時瘴煙起大軍徒涉水

如湯未戰集作過十人二三死村南村北哭聲悲集作哀兒別

爺娘夫別妻皆云前後征蠻者千萬人行無一迴是時翁

年二十四兵部牒中有名字夜深不敢使人知自把集作偷將

大石搥集作鑿折臂張弓簸旗俱不堪從茲始免征雲南骨

碎筋傷非不苦且圖揀退歸鄉土臂折來來六十年一肢

雖廢一身全至今風雨陰寒夜猶集作直到天明痛不眠痛

不眠終不悔所且集作喜老身今獨在不然當時瀘水頭身

死魂孤飛集作骨不收應作雲南望鄉鬼萬人塚上哭啾啾

雲南有萬人塚即鮮于仲通等覆軍人之所老人言君聽取何集作不聞開元

宰相宋開府不賞邊功防黷武開元初突厥數寇邊時天

引時勒迴鵠部落斬突厥默啜獻首闕下自謂有不世之功時宋璟為相以天子年少好武恐邀功者生心痛擯其

賞逾年始授即將靈筮遂慟哭恒血而死又不聞天寶宰相楊國忠欲求恩幸

立邊功邊功不集作立生人怨請問新豐折臂翁天寶末

為相重構閣羅鳳之役募人討之前後發三十餘萬衆去而無反者後又捉人連枷赴役天下怨哭人不聊生熱錄

山得乘人心而盜天下元和初折臂翁猶存因備歌焉

文苑英華卷第三百三十二

文苑英華卷第三百三十四 歌行四

音樂上

方響二首

鍾一首

磬二首

琴七首

箏四首

琵琶三首

方響歌

李沆

敲金扣石聲相陵遙空冷靜天正澄寶瓶下井轆轤急小

娃弄索傷清水穿絲透管音未歇迴風繞指驚泉咽季倫

怒擊珊瑚摧靈芒王子午拾遺薛靈芒魏文帝美人也整鬢步搖折十六葉

中侵索光寒玲震月雜珮璫雲和不覺羅餘怨蓮峯一夜

啼琴羨急節寫商商恨促秦愁越調逡巡足夢入仙樓憂

殘曲飛霜稜稜上秋玉

同前

牛父

樂中何樂偏堪賞無過夜深聽方響緩擊急擊曲未終暮
雨飄飄生坐上鏗鏗鏘鏘寒重重盤渦蹙派鳴蛟龍高樓
漏滴金壺水碎雹打著山寺鐘又似公卿入朝去環珮鳴
玉長街路忽然碎打入破聲石崇推倒珊瑚樹長短參差
十六片敲擊宮商無不遍此樂不教外人聞尋常只向堂
前宴

聽鍾歌

梁豫章王簫綵

聽鍾鳴當知在帝城西樹隱落月東牕見曉星霧露肫肫
月分明烏啼啞啞已流聲驚客思動客情客情客思鬱縱
橫翩翩孤鴈何所栖依依別鶴夜半啼今歲行已暮雨

向凄凄飛蓬旦夕起楊柳尚翻低氣鬱結涕滂沱鄉思無
所托強作聽鍾歌

華原磬

天寶中始廢泗濱磬用華原石代之詢諸
磬人具言其故一長老云泗濱磬下調不
能和得華原磬考
之乃和由是不改

白居易

華原磬華原磬古人不聽今人聽泗濱石泗濱石今人不
擊古人擊古人今人集作今人何不同用之捨之由樂工樂
工雖在耳如壁不分清濁即為龔梨園弟子調律呂知有
新聲不如古古稱浮磬出泗濱立辨致死聲感人宮懸一
聽華原石君心遂忘封疆臣果然胡寇從燕起武臣少肯
封疆死始知樂與時政通豈聽鏗鏘而已矣磬裏入海去
不歸長安市兒集作人為樂師華原磬與泗濱石清濁兩音

集作誰得知
聲

慈恩寺石磬歌

盧綸

靈山石磬生海西波集作海濤平處與山齊長眉老僧同佛

力呪使鮫人往求得珠穴沉成綠浪痕天衣拂盡蒼苔色

星漢徘徊山有風禪翁靜扣月明中群仙下雲龍出水鸞

鶴交飛半空裏山精木魅不可聽落葉秋砧一時起梵宮

香散集作香響冷冷無數沙門昏夢醒古廊燈下見行道疎

柳池邊聞誦經徒使集作壯洪鍾秘高閣萬金費盡工雕鑿

豈如全質挂青松數葉殘雲一片峯吾師寶之壽中國願

同却石無終極

送尹補闕元凱琴歌

張說見本集

鳳戩鳳戩琢琅玕飲瑤池棲崑崙之山哉中國有聖人感

和氣飛來飛來自歌自舞先王冊府麒麟之臺羈雌衆雛

故山曲其鳴喈喈其鳴喈喈欲往術之欲去未去別鸞鷺

似徘徊似徘徊明年阿閣梧桐花葉開羣飛鳳歸來羣飛

鳳歸來

雅琴篇

司馬逸客

亭亭嶧陽樹落落千萬尋獨抱出雲節孤生不作林影搖

綠波水彩絢丹霞岑直幹思有托雅志期所任匠者果留

眇彫斲為雅琴文以雅以雅借以昆吾金虬鳳吐奇狀商

徵含清音雅調感君子一撫一弄懷知已不見鍾期百年

餘還憶朝朝幾千里馬卿臺上應蕪沒阮籍帷前空已矣

山情水意君不知，拂匣調絃爲誰理。調絃拂匣倍含情，况
復空山秋月明。隴水悲風已嗚咽，離鷗別鶴更淒清。將軍
塞外多奇操，中散林間有正聲。正聲諧風雅，欲竟此曲誰
知者。自言幽隱乏先容，不道人物知音寡。誰能一奏和天
地，誰能再撫歡朝野。朝野歡樂未央車，馬駢闐盛彩章。
歲歲汾川事簫鼓，朝朝伊水聽笙簧。窈窕樓臺臨上路，妖
嬌歌舞出平陽。彈絃本自稱仁祖，吹管由來許季長。猶憐
雅歌淡無味，綠水白雲誰相貴。還將逸調賞幽心，不覺繁
聲論遠意。傳聞帝樂奏鈞天，儻冀微躬備五絃。願持東武
宮商韻，長奏南薰億萬年。

宜城放琴客歌 并序

顧况

琴客宜城愛妾也，宜城請老愛妾出嫁，不禁人之欲而
耳目之娛達者也。况承命作歌。

佳人玉立生此 一作方家住邯鄲 不是倡頭髻，髮鬢手爪
長善撫琴瑟，有文章新妍籠裙雲，毋光朱絃綠水，吃洞房
忽聞斗酒初决絕，日暮浮雲古離別。巴猿啾啾峽泉咽，淚
落羅衣顏色喝，不知誰家更張設。絲履墻偏釵股折，南山
闌干千丈雪，七十非人不暖熱。人情馱薄 一作消 古共然相
公心在持事堅，上善若水任方圓。憶昨好之今棄捐，服藥
不如獨自眠。從他更嫁一少年。

琴歌

趙搏

綠琴製自桐孫枝，十年懸下無人知。清聲不與衆樂雜，所

以屈受塵埃欺七絃脆斷蟲絲朽辨別不曾逢好手琴聲
若似琵琶聲賣與時人應已又王徽冷落無光彩堪恨鍾
期不相待鳳轉吟幽鶴舞時撚弄錚鏦聲亦在向曾守貧
貧不徹賤價與人人不別前迴忍淚却收來泣向秋風兩
條血乃知凡俗難可名輕者却重重者輕真龍不聖土龍
聖鳳凰啞舌鴟梟鳴何殊此琴哀怨苦寂寞沉埋在幽戶
萬重山水不肯聽俗耳樂聞人打鼓知君立身待分義驅
喝風雷在平地一生從事不因人徇關宰雲皆白致不辭
重拂絃上塵市廛不買多讒人莫辭憔悴與買取爲君一
曲號青春

聽董庭蘭彈琴兼寄房給事

文粹作聽董大彈琴
絃聲兼語弄寄房

事

又昔造胡笳聲一彈一十有八拍胡人落淚向邊草漢
使斷腸對歸客古戍蒼蒼烽火寒大荒陰沉飛雪白先拂
商絃後角羽四郊秋葉驚撼撼董夫子通神明深沉文粹
作山
竊聽來妖精言遲更速皆應手將往復還文粹
作旋如有情空
山百鳥散還合萬里孤雲閑且清文粹作浮
雲陰且明悽文粹
作嘶酸雛
鴈失羣夜斷絕胡兒戀母聲川爲靜其波鳥亦罷其鳴烏
珠部落家鄉遠邏迤沙塵哀怨生幽音文粹
作調忽飄灑長風
吹林雨墮瓦迸泉颯颯飛木末野鹿呦呦走堂下長安城
連東掖垣鳳凰池對青瑣門高才脫略名與利日夕望君
抱琴至

琴歌送別

前人

主人有一作飲酒歡今夕請奏鳴琴廣陵客月照城頭烏半
飛霜淒高樹風入衣銅鑪華燭燭增輝初彈綠水後楚妃
一聲似動物皆靜四座無言星欲稀清懷奉使千餘里敢
告雲山從此始

聽從叔琴彈三峽流泉歌

李季蘭

妾家本住巫山雲巫山流泉郊茂倩樂常自聞玉琴彈出

轉寥夔直似當時夢中聽三峽迢迢幾千里一時流入幽

閨裏樂亦作深閨裏巨石崩崖指下生飛波走文粹浪文粹

中起初疑噴怒樂府含雷風又似鳴咽流不通廻湍曲瀨

勢文粹將盡時復滴瀝平沙中憶昔阮公為此曲能使

容意不足一彈既罷還一彈願似文粹流泉鎮相續

李湖州孺人彈箏歌

顧况

武帝昇天留法曲淒情掩抑絃柱促上陽宮人一作怨青

苔此夜想夫憐碧玉思婦高樓刺壁窺一作愁徠斗月鸚

呼兎寸心十指有長短妙入神馳無人知獨把梁州九幾

拍風沙對面胡秦隔聽中忘却前溪碧醉後猶疑邊草白

鄭女彈箏歌

鄭女八歲能彈箏春風吹落天上聲一聲雍門決承睫兩

聲赤鯉露鬢鬣三聲白袿臂拓頰鄭女出參丈人時落花

惹斷遊空絲高樓不掩許聲出羞殺百舌黃鶯兒

宴席賦得姚美人搗箏歌美人會盧綸

宴席賦得姚美人搗箏歌美人會盧綸

出簾仍有細箏隨見罷翻令恨識遲微收皓腕纏紅袖深
逼朱絃低翠眉忽然高張應繁飾玉指迴旋若飛雪鳳簫
龍管寂不喧繡幕紗窓儼秋月有時輕弄和郎歌慢處聲
遲情更多已愁紅臉能伴醉又恐朱門難再過昭陽伴裏
最聰明出到人間纔長成遙知禁曲難翻處猶自君王說
小名

觀李中丞美人軋箏歌

時董移湖
州長史

釋皎然

君家雙美姬善歌工箏人莫知軋用蜀竹絃楚絲清哇宛
轉聲相隨夜靜酒闌佳月前高張冰引仍一作淵淵美人
矜名曲不誤蹙響時時如迸泉趙瑟素所嘉齊謳世稱絕
箏歌一動九音輟疑絃且莫值口金壘聲已闕雅聲來將

噉喙鶴徘徊主人高情始為開高情放浪出常格偶世有
名道無跡勲業先登上將科文章首冠諸人籍每笑石崇
無道情輕身重色禍亦成君有佳人當禪伴於中不廢學
養生愛君天然性寡欲家貧祿薄常知足謫官無愠如古
人交道忘言比前躅不意全家萬里來湖中再見春山綠
吳興公舍幽且閑何妨寄隱在其間時議名齊謝太傅更
有携妓似東山

劉禪奴彈琵琶歌

感相國
韓公夢

顧况

樂府只傳橫吹好琵琶寫出關山道羈鴈出塞繞黃雲邊
馬仰天嘶白草明妃愁一作中漢使迴蔡琰愁颯胡笳哀
鬼神知妙欲收響陰風切切四面來李陵寄書別蘇武自

有生人無此苦當時若值霍驃姚滅盡烏孫奪公主

琵琶引 并序

白居易

元和十年予左遷九江郡司馬明年秋送客湓浦口聞舟

中夜彈琵琶者聽其音錚錚然有京都集作邑聲問其人本

是長安倡女嘗學琵琶於穆曹二善才年長色衰委身為

賈人婦遂命酒使快彈數曲曲罷憫然集作默自叙少小時

歡樂事今漂淪憔悴轉徙於江湖間予出官二年恬然自

安感斯人言是夕始覺有遷謫意因為長句歌以贈之凡

六百一十六言命曰琵琶引

潯陽江頭夜送客楓葉荻花秋索索主人下馬客在船舉

酒欲飲無管絃醉不成歡慘將別別時茫茫江浸月

水上琵琶聲主人忘歸客不發尋聲暗問彈者誰琵琶聲

傳欲語遲移船相近邀相見添酒迴燈重開宴千呼萬喚

始出來猶把一作抱琵琶半遮面轉軸撥弦三五集作兩聲未

成曲調先有情絃絃掩抑聲聲思似訴平生不得意低眉

信手續續彈說盡心中無限事輕攏慢捻抹復挑初為霓

裳後綠腰集作六大絃嘈嘈如急雨小絃切切如私語嘈

嘈切切錯雜彈大珠小珠落玉盤間關鶯語花底滑幽咽

泉流水一作水下灘冰泉冷澌絃凝集作疑絕凝集作疑絕不通

聲暫歇別有幽情集作愁暗恨生此時無聲勝有聲銀瓶乍

破水漿迸鐵騎突出刀鎗鳴曲終收撥當心畫四絃一聲

如裂帛東船西舫悄無言唯有集作見江心秋月白沉吟放

撥插絃中整頓衣裳起斂容自言本是京城女家近集作在

蝦蟇陵下住十三學得琵琶成名屬教坊第一部曲罷曾

教善才伏粧成每被秋娘妬五陵年少爭纏頭一曲紅綃

不知數鉏頭雲篔簹擊節碎血色羅裙翻酒汗今年歡笑復

明年秋月春風等閑度第走從軍阿姨死暮去朝來顏色

故門前冷落鞍馬稀老大嫁作商人婦商人重利輕離別

前月浮梁買茶去去來江口守空船遶船月明江水寒夜

深忽夢少年事啼粧淚落集作夢紅闌干我聞琵琶已嘆

息又聞此語重唧唧同是天涯淪落人相逢集作悲何必曾

相識我從去年離集作帝京帝京謫居卧病尋陽城潯陽小廝

無音樂終歲不聞絲竹聲住近湓江地低濕黃蘆苦竹聲

宅生其間旦暮聞何物杜鵑啼哭猿哀鳴春江花朝秋月

夜往往取酒還獨集作自傾豈無山歌與村笛嘔啞嘲啻難

為聽今夜聞君琵琶語如聽仙樂耳暫明莫辭更坐彈一

曲為君翻作琵琶行感我此言良久立却坐促絃絃轉急

淒淒不似向前聲蒲座重闈皆掩泣就中泣下一作誰最

多江州司馬青衫濕

琵琶行

何人斲得一片木三尺春冰五音足一彈決破真珠囊迸

落金盤聲斷續飄飄颼颼寒丁丁蟲豸出蟄神鬼驚秋鴻

叫侶代雲黑猩猩夜啼蠻月明清滴滴汨汨聲不定胡雛學

漢語未正苦似長安月飢時蒲城敲鼓聲磷磷青山飛起

漢語未正苦似長安月飢時蒲城敲鼓聲磷磷青山飛起

不壓物野水流來欲濕人傷心憶得陳後主春殿半酣細
腰舞黃鶯百舌正相呼玉樹後庭花帶雨二妃哭處山重
重二妃沒後雲溶溶夜深霜露鎖空廟零落一叢班竹風
金谷園中草初綠石崇一弄思歸曲當時二十四友人手
把金盃聽不足又似賈客蜀道聞千鐸萬磬鳴空山未
此調啾啾兮啾啾嘈嘈兮啾啾引之於山獸不能走吹之
於水魚不能遊方知此藝不可有人間萬事憑雙手若有
為我再三彈送却花前一樽酒

文苑英華卷第三百三十四

文苑英華卷第三百三十五

音樂下

歌行五

箜篌二首

瑟三首

五絃二首

笛二首

箏三首

笙二首

鼓二首

舞五首

歌二首

李供奉彈箜篌歌

顧况

國府樂手彈箜篌赤黃絛索金鎔頭早晨有勅鴛鴦殿夜

靜遂

一作逐

歌明月樓起坐可憐能抱撮大指調絃中指撥

腕頭花落舞製裂手下鳥驚飛撥刺珊瑚席一聲一聲鳴

錫錫羅綺屏一絃一絃如撼鈴急彈好遲亦好宜遠聽宜
近聽左手低右手舉易調移音天賜與大絃似秋鴈聯聯
度龍關小絃似春燕喃喃何人語手頭疾腕頭軟來來去
去如風卷聲清泠泠鳴索索垂珠碎玉空中落美女爭窺
玳瑁簾聖人卷上真珠箔大絃長小絃短小絃緊快大絃
緩初調鏘鏘似鴛鴦水上弄新聲入深似太清仙鶴遊秘
館李供奉儀容質身才稍稍六尺一在外不魯輒教人內
裏聲聲不遣出指剥葱腕削玉饒鹽饒醬五味足弄調人
間不識名彈盡天下崛竒曲胡曲漢曲聲皆好彈着曲隨
曲肝腦往往從空入戶來瞥瞥隨風落春草草頭只覺風
吹入風來草即隨風立草亦不知風到來風亦不知聲

急焚玉燭點銀燈光照手實可憎只照筵篴絃上手不照
筵篴聲裏能馳鳳闕拜鸞殿天子一日一廻見王侯將相
立馬迎巧聲一日一廻變實可重不惜千金買一弄銀器
胡瓶馬上馱瑞錦輕羅滿車送此州好手非一國一國東
西盡南北除却天上化下來若向人間實難得

筵篴引

見二百
十卷

李賀

泣鳴鳴

前篇作
哭烏烏

趙瑟

沈約

耶耶竒弄出文梓縈絃急調切流徵靈樂府作玄鶴徘徊白雲
起白雲起鬱枝樂府作皮香離復合曲未央

同前

梁元帝

羅袖颯纒拂彫桐促柱高張散輕宮迎歌度舞過歸風過
歸風止流月壽萬春歡未歇

調瑟詞并序

劉禹錫

里有富豪翁厚自奉養而嚴督減獲力屈形削然猶役之
無藝一旦不堪命亡者過半追亡者亦不來復翁悴沮而
追昨非之莫及也予感之作調瑟詞詞曰

調瑟在張絃絃平音自足朱絲二十五闕一不成曲美人
愛高張蚤軫再三促上絃雖無函響下應不相屬日暮聲未
和寂寥一枯木却顧膝上絃流淚難相續

五絃彈

白居易

五絃彈五絃彈聽者傾耳心寥寥趙璧知君入骨愛五

一一為君調第一第二絃索索秋風拂松疎韻落第三第

四絃冷冷夜鶴憶子籠中鳴第五絃聲最掩抑隴水凍咽

流不得五絃並奏君試聽淒淒切切復錚錚集作丁丁鐵擊珊

瑚一兩曲水寫玉盤千萬聲鐵聲殺水聲寒殺聲入耳膚

血憊寒氣中人肌骨酸曲終聲盡欲半日四座相對愁無

言座中有一遠方士唧唧咨嗟集作咨聲不已自歎今朝初

得聞始知辜負平生耳唯憂趙璧白髮生老死人間無此

聲遠方士爾聽五絃信為美吾聞正始之音不如是正始

之音其若何朱絃疏越清廟歌一彈一唱再三嘆曲淡節

稀聲不多融融洩洩召元氣聽之不覺心平和人情重今

多賤古古瑟有絃人不撫自集作更從趙璧藝成來二十五

絃不如五

五絃行

常應物

美人為我彈五絃塵埃忽靜心悄然古刀幽磬初相觸千
珠貫斷落寒玉五絃中曲又不喧徘徊夜長月當軒如一作
始伴流風縈艷雪更逐落花飄御園獨鳳寥寥有時隱碧
霄來下聽還近燕姬萬集作恨楚客愁言之不盡聲能盡
未有幾曲感我情解幽釋結我樂生壯士有仇未得報按
劍欲去憤已平憤已平夜寒酒多愁遽明

武昌老人說笛歌

劉禹錫

武昌老將文粹七十餘手把庾令相聞書自言少小學吹
笛早事曹王曾賞激往年鎮戍到文粹斬州楚山蕭蕭

笛竹秋當時買林恣搜索典却身上烏貂裘古苔蒼蒼

老節石上集作孤生飽風雪商聲五音一作商隨指發水

中龍應行雲絕曾將黃鶴樓上吹一聲占盡秋江月如今

老去語文粹猶遲音韻高低耳不知氣力已無心尚在時

時一曲夢中吹文粹少小文粹年少

小笛弄

陳陶

一尺玲瓏握中翠僊孤月浦呼龍子五夜流珠粲一作夢

卿九清鸞倚洪崖醉丹穴饑兒笑風雨媧皇碧玉星星語

地蠍愁聞骨髓寒江山恨老眠秋霧綺席鴛鴦冷朱翠星

流露泣寒一作驅使江南一曲罷伶倫芙蓉水殿春風起

小童薛陽陶吹簫篳篥歌

白居易

剪削乾蘆插寒竹九孔漏聲五音足近來吹者誰得名關
雎老死李衮生衮今又老誰其嗣薛氏小集作童年十二
指點之下師授聲含嚼之間天與氣潤州城高霜月明吟
霜思月欲發聲山頭水集作底何悄悄猿鳥不喘魚龍聽
翕然聲作疑管裂訕然聲盡疑刀截有時婉一作軟無筋
骨有時頓挫生稜節急聲圓轉促不斷栗栗集作麟麟似
珠貫緩聲辰引長有條直直一作有餘條條直直如筆描下
聲乍墜石沉重高聲忽舉雲飄蕭明旦公堂陳宴席主人
命樂娛賓僚集作碎絲細竹徒紛紛宮調一聲雄出群衆
音覩縷不落道有如部伍隨將軍嗟爾陽陶方稚齒下手
發聲已如此若教頭白吹不休但恐聲名壓關李

聽安萬善吹觱篥歌

李頎

南山截竹爲觱篥此樂本是龜茲出流傳漢地曲轉竒涼
州胡人爲我吹傍隣聞者多歎息遠客思鄉皆淚垂世人
解聽不解賞長飈風中自來往枯桑老栢寒颼颼九雛鳴
鳳辭啾啾龍吟虎嘯時發萬籟百泉相與秋忽然更作
漁陽慘黃雲蕭條白日暗變調如聞楊柳春上林繁花照
眼新歲夜高帶列明燭美酒一盃聲一曲

薛陽陶觱篥歌

羅隱

平泉上相東征日曾爲陽陶歌觱篥烏江平泉爲李德裕
曾作薛陽陶觱
築歌蘇州刺史白居易越州刺史元稹並
有和篇此言爲江恐是吳江乃蘇州也太守會稽侯相
次三篇皆俊逸喬山殯葬衣冠後金印蒼黃南去疾龍樓

冷落夏正寒從此風流為廢物人間至藝難得主懷抱差
池恨星律拜溝僕射戎政閑試渡瓜洲吐伊鬱西風九月
草樹秋萬喧沉寂登高樓左一作老簞揭指微羽吼煬帝起
坐淮王愁高飄咽城出滯氣下感知已時橫流穿空激遠
不可遏髣髴似向伊水頭伊水林泉今已矣因取遺編認
前事武宗皇帝御宇時四海恬然知所自掃除桀黠似提
箒制壓權豪若穿鼻九鼎調和各有門謝安空儉真兇戲
功高近代竟誰知藝小似君猶不棄勿惜喑鳴更一吹與
君共下難逢淚

吹笙歌

秦韜玉

信陵名重憐高才見我長吹青眼開便出燕姬再傾醕此
時花下逢仙侶彎彎狂月壓秋波兩條黃金闥黃霧逸艷
初因醉態見濃春可是韶光與纖纖軟玉捧暖笙深思香
風吹不去檀唇呼吸宮商改怨情漸逐清新舉岐山取得
嬌鳳雛管中藏着輕輕語好笑襄王大迂闊曾卧巫雲見
神女銀鎖金簧不得聽空勞翠輦衝泥雨

次笙引

王毅

媧皇遺音寄玉笙雙成傳得何婁清丹穴嬌雛十七一作七十
隻一時飛上秋天鳴水泉迸瀉急相續一束宮商裂寒玉
旖旎香風遶指生三聲妙盡神仙曲曲終滿席悄無語巫
山冷碧愁雲雨

丘少府小鼓歌

顧况

地盤山鷄猶可像坎坎砰砰隨手長夜半高樓沉一作醉
時萬里踏橋亂山響

鞞鼓行

韋應物

淮漢生雲暮慘澹廣陵城頭鞞鼓暗寒聲坎坎風動邊忽
似孤城萬里絕四望無人煙又似集作虜騎截遼水胡馬
不食仰朔天座中亦有燕趙士聞聲不語客心死何況鰥
孤火絕無晨炊獨婦夜泣官有期

觀公孫大娘弟子舞劍器行

杜甫

大曆二年十月十九日夔府別駕元持公集無宅見臨穎

李十二娘舞劍器壯其蔚歧集作問其所師答余云

日公孫大娘弟子也開元三年集作載余尚童稚記於郾城

觀公孫氏舞劍器渾脫瀏濼頓挫獨出冠時自高頭宜春

梨園二教集作伎坊內人洎外供奉舞女集作此曉是舞者

聖文神武皇帝初公孫一人而已王貌錦衣况余白首今

茲弟子亦匪盛顏既辨其由來知波瀾莫二撫事慷慨聊

為劍器行往時吳人張旭善草書書帖數嘗於鄴見一作

縣見公孫大娘舞西河劍器自此草書長進豪蕩感激即

公孫可知矣行曰集作既辨往時集作往日下集作

昔有佳人公孫氏一舞劍氣動四方觀者如山色沮喪天

地為之乂低昂耀如羿射九日落矯如群帝駮龍翔末集

來如雷霆收震怒罷如江海凝清光絳唇朱袖兩寂寞晚

集作况有弟子傳芬芳臨穎美人在白帝妙舞此曲神揚揚

與余問答既有以感時撫事增惋傷先皇集作帝侍女八千

人公孫劔器初第一五十年間似反掌風塵瀕洞昏王室

梨園弟子散如煙女樂餘姿映寒日金粟堆南木已拱瞿

塘石城暮集作草蕭瑟玳筵急管曲復終樂極哀來月東出

老夫不知其所往足蘭荒山轉愁疾

拂舞歌詞

李賀

吳娥聲絕天空雲閑徘徊門外滿車馬亦須生綠苔樽有

烏程酒勸君千萬壽全勝漢舞集作武錦樓上曉望晴空集作

寒飲花露東方日不破天光無老時丹成作蛇乘白露千

年重化玉井土一作龜從蛇作土三千載吳堤春綠集作年

年在背文集作有八卦稱神仙邪鱗頑甲滑腥涎

霓裳羽衣舞歌答微之

白居易

我昔元和侍憲皇曾陪內宴宴昭陽千歌萬舞集作百武不可

數就中最愛霓裳舞舞時寒食春風天王鈎欄下香案前

案前舞者顏如玉不着人家一作間倍衣服虹裳霞帔步搖

冠鈿瓔纍纍珮珊珊娉婷似不任羅綺顧聽樂懸行復止

磬簫箏笛遞相攙擊撤彈吹聲邈迤凡法曲之初衆樂不齊唯金石絲竹次第

發聲霓裳序初亦復如此散序六奏未動衣陽臺宿雲慵不飛散序六遍無拍

故不中序擘騏初入拍秋竹竿裂春冰折中序有拍亦無拍序飄然

轉旋去聲迴雪輕嫣然縱逸遊龍驚小垂手後柳無力斜曳

裾時雲欲生四句皆霓裳舞之初態煙蛾歛畧不勝態風袖低昂如

有情上元點鬟招萼綠王母揮袂別飛瓊繁音急節十二

遍跳珠撼玉何鏗錚霓裳破九十二遍 翔鸞舞了却收翅

淚鶴曲終長引聲九曲將畢皆聲促唯 當時乍見驚心目

疑視諦聽殊未足一落人間八九年耳冷不曾聞此曲溢

城但聽山魃語巴峽唯聞杜鵑哭予自江州司馬 移領錢

塘第二年始有心情聞絲竹玲瓏荃萼謝好箏陳寵膚篋

沈平笙清絃脆管纖纖手教得霓裳一曲成自玲瓏以下皆杭之妓名

虛白亭前湖水吟前後只曾三度按便除庶子拋却來聞

道如今各星散今年五月至蘇州朝鍾暮角催白頭貪看

案牘常侵夜不聽笙歌直到秋秋來無事多閑悶忽憶霓

裳無處問聞君卻內多樂徒問有霓裳舞者無答云七州

千萬戶集作七縣十萬戶蓋指越州管内言之若問 無人

知有霓裳舞唯寄長歌與我來題作霓裳羽衣譜四幅花

箋碧間紅霓裳實錄在其中千姿萬狀分明見恰與昭陽

舞者同眼前髣髴覩形質昔者今朝想如一疑從魂夢呼

召來似着丹青圖寫出我愛霓裳君合知發於歌引集作

形於詩君不見我歌云驚破霓裳羽衣曲長恨歌云 又不見我

詩云曲愛霓裳未拍時錢若 由來能事皆有主楊氏創聲

君造譜開元中西京節 君言此舞難其得集作 人須得集作

傾城可憐女吳妖小玉飛作煙夫差女小玉死後形見於

散空文章越艷西施化為土嬌花巧笑又寂寥娃館羅山

元主頗畧 集作空處所苧蘿山西 如君所言誠有是君試從容聽我

語若求國色始翻傳但恐人間廢此舞妍媸優劣寧相遠

文苑英華 卷一百一十五 七

大都只在人擡舉李嬋集作嬋娟張態君莫嫌亦擬隨時且教

取始態蘇州伎名

胡旋女

天寶末康居國來獻

前人

胡旋女胡旋女心應絃手應鼓絃鼓一聲雙袖舉迴雪飄
飄轉蓬舞左旋右轉不知疲千匝萬周無已時人間物類
無可比奔車輪緩旋風遲曲終再拜謝天子天子為之微
啓齒胡旋女出康居徒勞東來萬里餘中原自有胡旋者
聞妙爭能爾不如天寶末年時欲變臣妾人人學圓轉中
有太真外祿山二人最道能胡旋梨花園中冊作妃金鷄
障下養為兒祿山胡旋迷君眼兵過黃河疑未反貴妃胡
旋惑君心死棄馬嵬念更深從茲地軸天維轉五十年來

制不禁胡旋女莫空舞數唱此歌悟明主

獨搖手

陳陶

漢宮新驚衿蛾眉春臺艷粧蓮一枝迎春侍宴瑤華池游
龍七盤嬌欲飛冶袖鸞鸞拂朝曦摩煙裊雪金碧遺愁鴻
連翹蠶曳絲颯還明珠掌中移仙人龍鳳雲雨吹朝哀暮
愁引啞伊鴛鴦翡翠承宴私南山一笑君無辭仙娥泣月
清露垂六宮燒燭愁風歛

西川座上聽金五雲唱歌

蜀王殿上華筵開五雲歌從天上來蒲堂羅綺悄無語喚
音止駐雲徘徊管絃金石還依轉不隨歌出靈和殿白雲
飄飄席上來貫珠歷歷聲中見舊樣釵篸淺澹衣元和梳

洗青黛眉低叢小鬢膩髮鬢徒果切小貌碧牙鏤掌山參

差由終暫起更衣過還向南行座頭坐低眉欲語謝貴侯

檀臉雙雙淚穿破自言本是宮中嬪武皇改號承新恩中

丞御史不足比中丞御史皆當時宮中歌者水殿一聲愁殺人武皇鑄

鼎登真錄嬪御蒙恩免幽辱茂陵弓劍不得親嫁與卑官

到西蜀卑官到官年未周堂衙祿此三字疑有衍者罷東西遊蜀

江水急駐不得復此萍蓬二十秋今朝得侍王侯宴不覺

途中妾身賤願持卮酒更唱歌歌是伊州第三遍唱着右

丞征戍詞更聞閨月添相思如今聲韻尚如在何況宮中

年少時五雲處處可憐許明朝道向裛中去須臾宴罷各

東西兩散雲飛莫知處

秦娘歌并序

劉禹錫

秦娘本常尚書家主謚者初尚書為吳郡得之命樂工誨

之琵琶使之歌且舞無幾何盡得其術居一二歲携之以

歸京師京師多新聲善工於是又捐去故妓以新聲度曲

教之又盡其妙而秦娘名字往往見稱於貴遊之間元和

初尚書夢於東京秦娘出居民間父之為蘄州刺史張繇

所得其後繇坐事謫居武陵郡繇卒秦娘無所歸地荒且

遠無有能知其容與藝者故日抱樂器而哭其音焦殺以

悲雜客聞之為歌其事以足于樂府云秦娘家本閭門西

門前綠水環金堤有時粧成好天氣走上臯集作河橋折花

戲風流太守常尚書路傍忽見停隼輿斗量明珠鳥傳意

緝憶迎入專城居長髮如雲衣似霧錦茵羅薦承輕少舞
學驚鴻水榭春歌撩集作上客蘭堂暮從郎西入帝城中
貴遊簪組香簾擺低鬟緩視抱明月纖指破撥生胡風繁
華一旦有消歇題劍無光履聲絕洛陽舊宅生草萊杜陵
蕭蕭松栢哀粧奩蟲網厚如繭博山爐側傾寒灰蘄州刺
史張公子白馬新到銅駝里自言買笑輕集作黃金月
墮雲中從此始安知鵬鳥座隅飛寂寞旅魂招不歸秦嘉
集作鏡有前時結韓壽香銷故篋衣山城少人江水碧斷
鴈哀猿風雨夕朱絃已絕為知音雲鬢未秋私自昔舉目
風煙非舊時夢尋歸路多參差如何將此千行淚集作
江班竹枝
文苑英華卷第三百三十五

文苑英華卷第三百三十六

歌行六

酒

獨酌謔一首

勸酒二首

惜空罇酒一首

醉歌十首

致酒行一首

秦王飲酒一首

酒肆行一首

四不如酒一首

獨酌謔

沈煙

獨酌謔獨酌謔獨酌獨長謔智者不我顧愚夫余不要不
愚復不智誰當余見招所以成獨酌一酌一傾瓢生涯本
漫漫神理暫超超再酌矜許史三酌傲松喬頻煩四五酌
不覺凌丹霄倏忽集作馱五鼎俄然賤九韶彭殤無異塋

夷飭可同朝龍蠖非不屈鵬鷃本逍遙寄語號呶侶無乃
太塵囂

勸酒二首

白居易

昨與美人對罇酒朱顏如花腰似柳今與美人傾一盃秋
風颯颯頭上來年光似水向東去兩鬢不禁白日催東隣
起樓高百尺璇題照日光照射珠翠無非一作緋衣二八人盤
筵何啻三千客隣家儒者方下帷夜誦古書朝忍飢身年
三十未入仕仰望東隣安可期一朝逸翮乘風勢金榜高
張登上第春闈未了冬登科九萬搏風誰與繼不逾十稔
看台衡門前車馬紛縱橫人人仰望在何處造化筆頭雲
雨生東隣高樓色未改主人一作父云亡息猶在金玉車

一不存朱門更有何人待墻垣反鎖長安春樓臺漸漸

西隣松篁薄暮亦棲鳥

一作鳥棲鳴

桃李無情還笑人憶昔東

隣宅初構雲霓彩棟皆非舊瑤瑁筵前翡翠棲芙蓉池上

鴛鴦闔日往月來凡幾秋一衰一盛一作皆何悠悠但教帝

里笙歌在池上年年醉五侯

二

勸君一盃

一作盃

君莫辭勸君兩盃

一作盃

君莫疑勸君三盃

一作盃

君始知面上今日老昨日心中醉時勝醒時天地迢

迢日

一作白

長久白兔赤鳥相趁走身後堆金到

一作柱

北斗

不如生前一樽酒君不見春明門外天欲明誼誼一作宜歌

哭半死生遊人駐馬出不得白轡紫車爭路行歸去來頭

已白典錢將用沽酒喫

惜空罇酒一作將進酒見一百九十二卷

李白

梁園醉歌集作梁園吟

前人

我浮黃河去京闕挂席欲發一作往波連山天長水闕厭

遠涉訪古始及平臺間平臺一作客憂思多對酒集作對來遂作

梁園歌却憶蓬池阮公詠因吟淶水揚洪波洪波浩蕩迷

舊國路遠西歸安可得人生達命豈假愁宜飲美酒登高

樓平頭奴子搵大扇五月不熱集作疑清秋素集作玉盤揚

梅為君設吳鹽如花皎如雪一作白持鹽把酒但飲之勿

莫學夷齊事高潔昔人豪貴信一作君今人耕種信陵墳荒

城虛集作遠照碧山月古木盡入蒼梧雲梁王賓客集作官今

安在牧馬先歸不相待舞影歌聲散淶池空餘汴水流東

海沉吟此事淚蒲衣黃金買醉未能集作莫言歸連呼五白投

一作行六博分曹賭酒看集作酣馳輝或馳作清輝看馳輝歌且謔

意方遠東山高且還一作時起來欲濟蒼生未應晚

此詩三百四十三卷重出今已削去注意異同為一

作

湖城東遇孟雲卿復歸劉顥宅宿宴飲散因為醉歌

行

杜甫

疾風吹塵暗河縣行子隔手不相見湖城城東集作南一開

眼駐馬偶識雲卿面向非劉顥為地主懶迴鞭轡成高集作

南宴劉侯歎我携客來集作歡置酒張燈促華饌且將款曲

終今夕休話集作艱難尚酣戰照室紅鑪簇曙花集作

紫窓素月垂秋集作練天開地裂長安春集作寒盡春一作

會合不可常庭樹鷄鳴淚如霰集作蘇端薛復筵簡薛華醉歌

文章有神交有道端復得之名譽早愛客蒲堂盡豪翰

思芳草安得徒步移遠梅亂插繁花向

晴昊千里猶殘舊冰雪百壺且試開懷抱垂老惡聞戰鼓

悲急觴為緩憂心擣少年努力縱談笑看我形容已枯稿

座中薛華能集作醉歌醉歌集作自作風格老近來海內

無集作長句汝與山東李白好何劉沈謝力未工集作

兼鮑昭黎集作絕倒諸生頗盡新知樂萬事終傷不自保

氣酣日落西風來願吹野水注集作金盃如繩之酒常快

意未集作知窮達集作安在哉忽憶雨時秋井塌集作古人白

增生青苔如何不飲令心哀井塌集作前人

醉歌行一作醉時歌贈廣文鄭博士前人

諸公衮衮登臺集作省廣文先生官獨冷甲第紛紛厭梁

肉廣文先生飯不足先生有道出羲皇先生有才集作先

又作所抱過屈宋德尊一代常坎軻集作名垂萬古知何用杜

陵野客人更嗤被褐短窄鬢如絲日糴太倉伍升米時赴

鄭老同襟期得錢即相覓沽酒不復疑忘形到爾汝痛飲

真吾師清夜沉沉動春酌燈集作前細雨簷集作花落但

覺高歌有集作鬼神焉知餓死填溝壑相如逸才親滌器

子雲識字終投閣先生早賦歸去來石田茅屋荒蒼苔儒

術於我何有哉孔丘盜跖俱塵埃不須聞此意慘愴生前

相遇且啣盃

醉歌行別從姪落第歸

前人

陸機二十作文賦汝更少年能綴文總角草書又神速世

上兒子徒紛紛驛驢作駒已汗血鷲鳥舉翮連青雲詞源

倒流三峽水筆陣獨掃千人軍只今年集作纔十六七射

策金門期第一舊穿楊葉真自知暫蹶霜蹄未為失偶然

擢秀非難取會是排風有毛質汝身已一作見唾成珠汝

伯何由髮如漆春光澹待可秦東亭潞浦牙白水荇青

風吹客衣日杲杲樹攪離思花冥冥酒盡沙頭雙玉瓶

賓皆集作醉我獨醒乃知貧賤別更苦吞聲躑躅涕淚零

晦日賀蘭傳楊長史筵醉歌

前人

樂遊古園萃森爽烟綿碧草萋萋長公子華筵勢最高秦

川對酒平如掌長生木瓢示真率更調鞍馬雄集作歡賞

青春波浪芙蓉園白日雷霆夾城仗閭闔晴開訣集作蕩

蕩曲江翠幕排銀榜拂水低迴舞袖翻綠雲清切歌聲上

却憶年年人醉時只今未醉已先悲數莖白髮那拋得百

罰深盃亦一作不辭聖朝一作亦知賤士醜一物但集作

荷皇天慈此身飲罷無歸處獨立蒼茫自誅詩

醉行歌贈公安縣顏十少府

前人

神仙中人不易得，顏氏之子才孤標。天馬長鳴待駕馭，秋鷹整翮當雲霄。君不見東吳顧文學，君不見西漢杜陵老。詩家筆勢君不嫌，詞翰升堂為君掃。是日風霜凍七澤，鳥蠻落照銜赤壁。酒酣耳熱忘白頭，感君意氣無所惜。醉歌行歌主客集作一為辭醉歌主客

九日宴集醉題郡樓出呈周殷二判官出白居易

前年九日在餘杭，呼賓命宴于白堂。去年九日到東洛，今年九日來吳鄉。兩邊蓬鬢一竹白，三處菊花同色黃。一日日知添老態集作病一年年覺出重陽。江南九月未搖落，柳

青蒲綠杭稻香。姑蘇臺榭傍，倉藹太湖山水含清光。可憐

暇日集作暇好天氣集作色公門更靜，風景涼。榜舟鞭馬取賓

客，掃榻拂席排壺觴。胡琴錦撥指撥刺，吳姬細集作麗眉

眼長笙歌一曲思凝絕。金殿二拜拜光，低昂日脚欲下集作落

備燈燭。風頭漸高，加酒漿。觥盞艷翻齒，苜蓿集作葉舞髮擺

落茱萸。房半酣，凭檻起西望集作類七堰八門六十坊，遠近

高低寺間出。東西南北橋相望，水道脉分掉鱗次。里閭基

布城冊，方人煙樹色無隙罅。罅十里一片青茫茫，自問有何

才與政。高廳大館居中央，銅魚乃今澤國節。刺史自古吳

都王，郊無戎馬郡無事。門有榮戟腰金一作有章，盛時儻來

合慚愧壯志集作歲忽去還感出從事醒歸，應不可使君醉

倒亦何妨。請君停盃聽此集作我語，此語真實非虛狂。五旬

已過不為天，七十為期蓋是常。須知菊酒登高會，從此無

多二十場

池陽醉歌贈匡廬處士姚巖傑 顧雲

九華太守行春罷一作暇高絳紅筵壓花榭四面繁英拂檻

開帖雪團霞墜枝亞空中焰若燒藍天萬里滑靜無纖煙

絃索緊快管聲脆急曲碎拍聲相連主人憐才多傾興許

客酣歌露真性春耐香濃枝盞粘一醉有時三日病龜潭

鱗粉解不去鴉嶺藥花澆不醒肺枯似著爐韞扇腦熱如

遭鎚鑿釘蒙溪先生梁公孫忽然示我十軸文展開一卷

讀一首四顧特地無涯垠又開一軸讀一帙酒病豁若風

驅雲文鋒幹破造化窟心刃掘出與亡根經疾史恙萬片

恨墨次筆針如有神呵叱潘陸鄒瑣屑提挈揚孟歸孔門

時時說及開元理家風颯颯吹人耳吳兢纂出昇平源十

事分明鋪在紙裔孫才業今如此誰人為奏明天子鑿駕

何當獵在馮神鷹一擲望千里戲操狂翰浣蠻牋傍人莫

笑我率然

餘杭醉歌贈吳山人 丁仙芝

曉幙紅襟鷺春城白項烏只來梁上語不向府中趨城頭

坎坎鼓聲曙蒲庭新種櫻桃樹桃花昨夜撩亂開當軒發

色映樓臺十千允得一作十餘杭酒二月春城長命盃酒

後留君待明月還將明月送君廻

致酒行 至日長安里中作 李賀

零落栖惶集作遲一杯酒主人奉觴客長壽主父西遊困不

文苑英華卷一百一十五

二南

歸家人折斷門前柳我集作聞馬周昔作新豐客天荒地
老無人識空將牋上兩行書直犯龍髯集作請恩澤我有
迷魂招不得雄鷄一聲天下白少年心事當拏雲誰念幽
寒坐鳴呃

秦王飲酒

前人

秦王騎虎遊八極劍光照空天自碧羲和敲日玻璃聲劫
灰飛盡今太平集作龍頭馮酒邀酒星金槽琵琶夜枒枒
洞庭雨脚來吹笙酒酣喝月使倒行銀雲櫛櫛瑤殿明宮
門掌事報一更花樓玉鳳聲嬌獐海綃紅文香淺清黃俄
集作跌舞千年觥仙人燭樹蠟煙輕青春集作青琴集作醉眼
淚泓泓

酒肆行

常應物

豪家沽酒長安陌一旦起樓高百尺碧疏玲瓏含春風銀
題綵幟邀上客廻瞻卅鳳闕直視樂遊苑四方稱賞名已
高五陵車馬無近遠晴景悠揚三月天桃花飄俎柳垂筵
繁絲急管一時合他壚酒集作肆何寂然主人無厭且專
利百斛一釀斯須美集作須臾集作初釀後薄為大偷飲者知
名不知味深門潛醞客來稀終歲醇醲味不移長安酒徒
空擾擾路傍過者集作那得知

四不如酒

集作琴集作木曲

白居易

莫買寶剪刀虛費千金直我有心中愁知君剪不得莫磨
解結錐虛勞人氣力我有腸中結知君解不得莫染紅絲

線徒誇好顏色我有雙淚珠知君穿不得莫近紅爐火炎
氣徒相逼我有兩鬢雪知君銷不得刀不能剪心愁誰不
能解長結線不能穿淚珠火不能銷鬢雪不如飲此酒
盃萬念千憂一時歇

文苑英華卷第三十六

文苑英華卷第三百二十七

歌行七

草木

茶四首

牡丹二首

薔薇一首

枸杞一首

苔一首

松二首

栢一首

柳三首

橘二首

棋子一首

梅一首

道邊樹一首

美人嘗茶行

崔珣

雲鬟枕落困泥春去聲玉卽爲碾瑟瑟塵閑教鸚鵡啄窻
和嬌扶起濃睡人銀瓶貯泉水一掬松雨聲來乳花熟

唇啜破綠雲時咽入香喉爽紅玉明眸漸開橫一作秋木
手撥絲篁醉心起臺時一作前却坐推金箏不語思量中
事

飲茶歌請崔石使君

釋皎然

越人遺我剡溪山一作茗採得金芽爨金鼎素瓷雪色飄一作

縹沫香何似諸仙瓊藥漿一飲滌昏寐情思爽朗滿天地

再飲清我神忽如飛雨灑輕塵三飲便得道何須苦心破

煩惱此物清高世莫知世人飲酒徒多一作自欺好愁一作看

畢卓甕間夜笑向陶潛籬下時崔侯啜之意不已狂歌一

曲驚人耳孰知茶道全爾真唯有丹丘得如此

飲茶歌送鄭客

前人

丹丘羽人輕玉食採茶飲之生羽翼

天台記云丹丘出各名大茗服之羽化

藏仙府世莫知骨化雲宮人不識雪山童子調金鑪楚人

茶經虛得名霜天半夜芳草折爛漫細花啜又生常說一作

賞此茶祛我疾使人胷中蕩憂慄日上香爐情未畢亂踏

虎溪雲高歌送君出

採茶歌

一作紫荀茶歌

秦韶玉

天柱香芽露香發爛研瑟瑟穿荻篾太守憐才寄野人山

童碾破團圓月倚雲便酌泉聲煮獸炭潏然蚌珠吐看着

晴天早日明鼎中颯颯篩風雨老翠香塵下纔熟攪時繞

筋天一作愁雲綠耽書病酒兩多情坐對閩甌睡先足洗我

胷中幽思清鬼神應愁歌欵成

和李中丞慈恩寺清上人院牡丹花歌 權德輿

澹蕩韶光三月中，牡丹偏自占春風。時過寶地尋香逕，已見新花出故叢。曲水亭西杏園北，濃芳深院紅霞色。擢秀全勝珠樹林，結根幸在青蓮域。艷藥仙集作鮮房次第開，含煙洗露照蒼苔。龐眉倚杖禪僧起，輕翅縈枝舞蝶來。獨坐南臺時共羨，閑行古刹情何已。花間一曲奏陽春，應為芬芳雜詠作芳菲比君子。

牡丹芳 白居易

牡丹芳，牡丹芳，黃金藥綻紅玉房。千片赤英霞爛爛，百枝絳焰集作艷燈煌煌。照地初開錦綉段，當風不結蘭麝囊。仙人琪樹白無色，王母桃花小不香。宿露輕盈泛紫艷，朝陽

照耀生紅光。紅紫二色間深淺，向背萬態隨低昂。映葉多情隱羞面，卧叢無力含醉粧。低嬌笑容疑掩口，疑思怨人如斷腸。濃姿貴彩信竒絕，雜卉亂花無北方。石竹金錢何細碎，芙蓉芍藥苦尋常。遂使王公與卿士，遊花冠蓋日相望。羶車軟轡貴公子，集作主香衫細馬豪家郎。衛公宅靜閑東院，西明寺深開北廊。戲蝶雙舞看花人，集作人文殘鸞一聲春日長。共愁日照芳難駐，仍張帷集作羅幕垂陰涼。花開花落二十日，一城之人皆若狂。三代已還文勝質，人心重華不重實。重華直至牡丹芳，其來有漸非今日。元和天子憂農桑，卹下動天天降祥。去歲嘉禾生九穗，田中寂寞無人至。今年瑞麥分兩岐，君心獨喜無人知。可歎息，我願暫求

造化力減却牡丹妖艷色少回卿士一作女看花心同

助集作吾君愛稼穡

明月湖醉後薔薇花歌

英才

萬朵當軒紅燭燭晚陰照水塵不着西施醉後情不禁待
兒扶下藥珠閣柔條嫩葉一作輕鯢一低一昂合又關
深紅淺綠狀不得日斜池畔香風來紅能柔綠能軟濃淡
參差相宛轉舞蝶雙雙誰喚來輕綃片片何人剪白髮使
君思帝鄉驅妻領女遊花傍持盃憶着曲江事千花萬葉
垂宮墻復有同心初上第日暮華筵移水際笙歌日日徵
教坊傾國名娼盡佳麗我曾此處同諸生飛盃落盃紛縱
橫將欲得到上天路剛向直道中行去一朝失勢當如

萬事如灰壯心死誰知奏御數萬言翻割龜符四千里支
夫達則賢窮則愚胡為紫胡為朱莫思身外窮通事且醉
花前一百壺

湛處士枸杞架歌

釋皎然

天生靈草生靈地疑生人間人不貴獨君井上有一根始
覺人間衆芳異拖綠垂絲宜曙看徘徊滿架何珊珊春風
亦解愛此物裊裊時來傍香實濕雲綴葉擺不去翠羽啣
花驚畏失肯羨孤松不凋色皇天正氣肅不得我獨全生
異此輩順時榮落不相背孤松自被斧斤傷獨我柔枝保
無害黃油酒囊石碁局吾湛生心出世俗頽芳坐影風洒
懷其致條然此中足

苔歌

顧雲

檻前溪奪秋空色百丈潭心數砂礫松筠一作籟條條長碧

苔苔色碧於溪水碧波迴梳開孔雀尾根細貼着盤陀石

撥浪輕拈出少時一髻濃煙三四尺山光日華亂相射靜

縷藍鬢勻裝積試把臨流一作風抖擻看瑤璃珠子決雙滴

如看玉女洗頭處解破雲鬟收未得即是仙宮欲製六銖

衣染絲未倩鮫人織採之不敢盈筐篋苦把龍神河伯惜

瓊蘇玉鹽爛漫煮噉入丹田續靈液會待功成插翅飛蓬

萊頂上尋仙客

風入松

釋皎然

西嶺松聲落日秋千枝萬葉風颺颺美人援琴弄成曲寫

松間聲斷續清我魂流波壞陵安足論美人夜坐月明

裏含少商兮點清徵風淒清兮何飄颻攪寒松兮又夜起

夜未央曲何長金徽更促聲泱泱何人此時不得意意苦

絃悲聞客堂

澗底松

白居易

青松百尺大十圍生在澗底寒且卑澗深山險人路絕老

死不逢工度之天子明堂欠梁木集作棟彼求此棄俱集作此求

彼有雨不知誰喻蒼蒼造物意但與之材不與地金張世祿

黃憲賢集作黃憲貧牛衣黃憲本牛醫兒寒賤貂蟬貴貂蟬與

牛衣高下雖有殊高者未必賢下者未必愚君不見沉沉

水集作海底生珊瑚歷歷天上種白榆

古栢行

杜甫

孔明廟前有老栢柯如青銅根如石霜皮溜雨四十圍黛
 色參天二千尺君臣已與時際會樹木猶為人愛惜雲來
 氣接巫峽長月集作日出塞通雪山白憶昨路繞錦城一作亭
 東先主武侯同闕宮崔嵬枝幹郊原古窈窕丹青片牖空
 落落盤踞雖得地冥冥孤高多烈風扶持自是神明力正
 直元因造化功大厦如傾要梁棟萬牛回首丘山重不露
 文章世已驚未辭剪伐誰能送苦心豈免容蝼蟻香一作露
 葉終經宿鸞鳳志士幽人莫悲嗟一作傷古來材大難為一作
 難用

楊柳歌

庾信

河邊楊柳百尺枝別有長條窈地垂河水衝激根株色一作

危倏忽河中風浪吹可憐巢裏鳳凰兒無故當年老別離

流槎一去上天池織女支機應見隨誰信從來蔭數國直

用東南一小枝昔日公子出南皮駿馬翩翩西北馳左右

鸞孤倚月支何處相尋玄武陂鳳凰新簫管史吹朱鳥春

窻玉女窺銜雲酒盃赤碼碯照日食螺紫琉璃君言丈夫

無志氣為問燕山那得知百年霜露掩離披一旦功名不

可為定是懷王作計媼無事翻覆用張儀武昌南城誰可

移官渡營前那得知尚憶落絮鵝毛色無復青絲馬尾垂

各與梅花留一曲共在長笛管中吹

門前柳

門前蜀柳先知春風澹暖煙愁殺人將謂止栽群樓下不知迤邐連南津南津柳色連南一作市南去戎州三百里夷陬蠻落相連接故鄉莫道心先死我今帝里還有家門前嫩柳插一作披仙霞晨沾太一壇邊雨暮宿鳳凰城裏鷓別來三載當誰道門前年年綠陰好春來定解飛雪花雨後還應庇煙草憶昔當年栽柳時新芽茁茁嫌生遲如今宛轉拂着地常向綠陰勞夢思不道彼樹好不道此樹惡試將此意問野人野人盡道生處樂為報門前楊柳栽我應來歲當歸來縱今樹下能攀折白髮如絲心似灰

隨堤柳

隨堤柳歲久年深盡衰朽風飄飄今雨蕭蕭三株兩株汴

河口老枝病葉愁殺人曾經大業年中春大業年中煬天

子種柳成行夾流水西自黃河東接集作至淮綠影一千三

百里大業末年春暮月柳色如煙絮集作如雪南幸江都恣

佚遊應將此柳繫一作夾龍舟紫髯郎將護錦纜青蛾御史

直迷樓海內財力此時竭舟中歌笑何日休上荒下困勢

不久宗社之危如啜旒煬天子自言歡樂殊未極豈知明

年正朔歸武德煬天子自言福祚垂集作長無窮豈知後年

皇子封鄴公龍舟未過彭城閣義旗已入長安宮蕭牆禍

生人事變晏駕不得歸秦中土墳數尺何處葬吳公墓下

多悲風二百年來汴河路沙草和煙朝復暮後王何以鑑

前王請看隨堤亡國樹

諒公洞庭孤橘歌

顧况

不種自生一株橘誰教渠向堦前出不羨江陵千木奴下
生白蟻子上生青雀雛飛花簷蔔旃檀香結實如綴摩尼
珠洞庭橘樹籠煙碧洞庭波月連沙白待取天公放恩赦
儂家定作湖中客

洞庭山維諒上人院堦前孤生橘樹歌 釋皎然

洞庭仙山但生橘不生凡木與梨栗真子無松自不栽感
得一株堦下出細葉繁枝委露新四時常綠不關春若言
此物無道性何意孤生來就人二月三月山初煖最愛低
簷數枝短白花不用鳥啣來自有風吹手中滿九月十月
爭破顏金實離離顏色殷一作色殷一夜天晴香蒲山天一作山

生珍木異於俗俗士來逢不敢觸清陰獨步禪起時徒倚
枝前看不足

分枱子歌示諸小

癡男騃女愁殺人偏呼小者大者嗔麤衣糲食盡須一何
况異味兼時新今朝樓下井初熟摘得一筐分不足兒童
豈待父母施自各捻來一作各獻兄叔就中小女有所翳一作捻將

梅

王穀

暑日題道邊樹

前人

火輪迸焰燒長空浮埃撲面愁朦朦
羸童走馬喘不進忽逢碧樹含清風
清風留我移時住滿地濃陰懶前去却
人無及物功不似團圓道邊樹

文苑英華卷第三百三十七

文苑英華卷第三百三十八

歌行八首

書

李潮八分小篆歌一首 懷素上人草書歌八首

僧警先草書歌一首 張伯英草書歌一首

陳氏童子草書歌一首 蕭鄴草書歌一首

李潮八分小篆歌

杜甫

蒼頡鳥跡既茫昧字體變化如浮雲陳倉石鼓又集作已

訛大小二篆生八分秦有李斯漢蔡邕中間作者寂不聞

澤山之碑野火焚棗木傳刻肥失真苦縣光和尚骨立書

集作盡 貴瘦硬方通神惜哉李蔡不復得吾甥李潮下筆親

尚書韓釋木騎曹蔡有隣開元以來數八分潮也奄有二

子成三人况潮小篆逼秦相快劍長戟森相向八分一字
直百千作金蛟龍蟠拏肉屈強吳郡張顛誇草書草書非古
空雄壯豈知集作如吾甥不流巖丞相中郎丈人行巴江作東
逢李潮逾作月求我歌我今衰老才力薄潮乎潮乎柰汝
何

懷素上人草書歌

王頲

衡陽雙峽插天峻青壁嶮嶮萬餘仞此中靈秀衆所知草
書獨有懷素奇懷素身長五尺四嚼湯誦呪吁可畏銅瓶
錫杖倚閑庭班管秋毫多逸意或粉壁或綵箋蒲葵絹素
何相鮮忽作風馳如電掣更點飛花兼散雪寒猿飲水撼
枯藤壯士拔山伸勁鐵君不見張芝昔日稱獨賢君不見

近日張旭爲老顛二公絕藝人所惜懷素傳之得真迹
嶮蹇出海上山突兀狀成湖畔石一縱又一橫一歌又一
傾臨江不羨飛帆勢下筆長爲驟雨聲我牧此州喜相識
又見草書多惠力懷素懷素不可得開卷臨池轉相憶

又

戴叔倫

楚僧懷素工草書古法盡能新有餘神清骨竦意真率醉
來爲我揮健筆始從破體變風姿一一花開春景遲忽爲
壯麗就枯澁龍蛇騰盤獸屹立馳毫驟墨劇奔泗滿座失
聲看不及心手相師勢轉奇詭形恠狀翻合宜人人細問
此中妙懷素自言初不知

又

幾年出家通宿命一朝却憶臨池聖轉腕推峰增堀崎秋
毫繭紙常相隨衡陽客舍來相訪連飲百盃神轉工忽聞
風裏度飛泉紙落紛紛如跼鳶形容脫略真如助一作脫
助心思周遊在何處筆下唯看激電流字成只畏盤龍去
惟狀崩騰若轉蓬飛絲歷亂如迴風長松老死倚雲壁蹙
浪相翻驚海鴻于今年少尚如此歷觀遠代無倫比妙絕
當動鬼神泣崔蔡幽魂更心死

又

魯收

吾觀文士多利用筆精墨妙誠堪重身上藝能無不通就
中草聖最天縱有時興酣發神機抽毫點墨縱橫揮一作
風聲吼烈隨手起龍蛇迸落空壁飛連拂一作數行勢不

絕藤懸查蹙生竒節劃然放縱驚雲濤或時頰挫紫毫髮
自言轉腕無所拘大笑羲之用陣圖狂來紙盡勢不盡投
筆抗聲連叫呼信知鬼神助此道墨池未盡書已好行路
談君口不容滿堂觀者空絕倒所恨時人多笑聲唯知賤
寶翻貴名疑觀爾向來三五字顛竒何謝張先生

同前

寶翼

狂僧揮翰狂且逸獨任天機摧格律龍虎慙因點畫生雷
霆却避鋒鋌疾魚箋綉素豈不貴只嫌局促兒童戲粉壁
長廊數十間興來小豁一作襟氣長幼集賢豪至枕糟籍
麴猶半醉忽然絕叫三五聲滿壁縱橫千萬字吳興張老
爾莫顛葉縣公孫我何謂如熊如羆不足比如虺如蛇不

足擬涵物為動鬼神泣狂風入林花亂起殊形恠狀不易
說就中驚燥尤枯絕邊風殺氣同慘烈崩槎卧木爭摧折
塞草遙飛大漠霜胡天亂下陰山雪偏有一作能事轉新
奇郡守王公同賦詩枯藤勁鐵愧三舍驟雨寒後驚一時
此生絕藝人莫測假此常為護持力連城之壁不可量五
百年知草聖當

同前 無送詞 徐廣州

張顛沒在二十年謂言草聖無人傳零陵沙門繼其後新
書大字大如斗興來走筆如旋風醉後耳熱心更亮忽如
裴旻舞雙劍七星錯落纏蛟龍又如吳生畫神鬼魑魅魍
魎驚本身鈎鎖相連勢不絕倔強毒蛇爭屈鐵西河

氣凌雲孤蓬自振唯有君今日華堂看洒落四座喧呼
佳作迴首邀余賦一章欲令羨價齊鍾張琅誦句三百字
何似醉僧顛復狂忽然告我遊南溟言祈亞相求大名亞
相書翰凌獻之見君絕意必深知南中紙價當日貴只恐
貪泉成墨池

同前

任華

吾嘗好奇古來草聖無不知豈不知右軍與獻之雖有壯
麗之骨恨無狂逸之姿中間張長史獨放蕩而不羈以顛
為名傾蕩於當時張老顛一作老顛殊不顛於懷素懷素顛
乃是顛人謂爾從江南來我謂爾從天上來負顛狂之墨
妙有墨狂之逸才狂僧前日動京華朝騎王公大人馬暮

宿王公大人人家誰不造素屏誰不塗粉壁粉壁搖晴光素
屏凝曉霜待君揮灑今不可彌忘駿馬迎來坐堂中金盃
盛酒竹葉香十盃五盃不解起一作百杯已後始顛狂一
顛一狂多意氣大叫數聲起攘臂揮毫倏忽千萬字有時
一字兩字長丈二翁若長鯨撥刺動海島歛若長蛇戍律
透深草回環繚繞相拘連千變萬化在眼前飄風驟雨相
擊射速祿颯拉動簷隙擲華山巨石以為點掣衡山陣雲
以為畫興不盡勢轉雄恐天低而地窄更有何處最可憐
一作連一作裹裹枯藤萬枝一作懸萬枝一作懸拂秋水映秋天
或如絲或如髮風吹欲絕又不絕鋒芒利如歐冶劍勁直
潭是并州鐵時復枯燥何槁樵忽覺陰山突兀橫翠微

有枯松錯落一萬丈倒掛絕壁感枯枝千魍魎兮萬魍魎
欲出不可何閃屍又如瀚海日暮愁陰濃忽然躍出千里
龍夭矯偃蹇入乎蒼穹飛沙走石滿穹塞萬里颼颼西北
風狂僧有絕藝非數仞高墻不足以逞其筆勢或逢花箋
與絹素凝神執筆守恒度別多筋骨多情趣霏霏微微點
長露三秋月照鼎鳳樓二月花開上林樹終恐絆騏驥之
足不得展千里之步狂僧狂僧爾雖有絕藝猶當假良媒
不因禮部張公將爾來如何二字一作平安得聲名一旦諠九垓

同前

釋貫休

張顛顛後顛非顛直至懷素之顛始是顛師不談經不坐
一作禪筋骨一作唯於草書妙一作顛狂恐却是神仙有神

助兮神莫及鐵石畫兮墨湏入金罇竹葉數斗餘半飲半
傾山衲濕醉來把筆猛如虎粉壁素屏不問主亂拏亂抹
無規矩羅刹石上坐子胥削通八字一作分立對漢高祖勢
崩騰兮不可止天機暗轉鋒芒裏閃電光邊霹靂飛古栢
身中旱龍死骸人心兮目眈眈上呼齶切頓人足今神關下香激切
易乍如沙場大戰後斷槍檄箭何狼籍又如深山恠石上
古病松枝掛鐵錫月兔筆天竈墨斜鑿黃金側一作劉王色
珊瑚枝長大如束天馬嬌啼不可勒東却西南又北倒還
起斷復續忽如鄂公捉一作唱任單雄信秦王肩上捨着棗
木槩懷素師若不是星辰降瑞必是河嶽孕靈固宜湏冷
笑逸少爭不得醉罵伯英天台古杉一千尺崖崩岸折何

崢嶸或微細僊衣縫綻金線垂或研媚桃花半紅公子

我恐山爲墨海爲水天爲筆兮書大地乃能略展狂僧意

長恨師不相識一見此書空嘆息伊昔張謂任華葉季良

數子贈歌豈虛飾所不足者渾未會道著其神力石橋被

燒却一作燒良玉不土蝕錐畫沙兮印印泥世人世人莫得

知老師雄名在世間明月清風一作有何極

誓光大師草師歌

前人

雪壓千峯橫枕上窮困雖多還激壯看師逸蹟兩相宜高

適歌行李白詩海上驚驅山猛燒一作海上風驚驅猛燒吹斷狂煙

著沙草江樓曾見落星石幾回試發將軍砲別有寒鷗掠

絕壁提上玄猿更生力又見吳牛磨角來舞槩盤刀初觸

擊好文天子揮宸翰御製本多推玉案晨開水殿教題壁
題罷紫衣親寵錫僧家愛詩自拘束僧家愛畫亦局促唯
師草聖藝偏高一掬山泉心便足

張伯高草書歌

釋皎然

伯英死後生伯高朝看手把山中毫先賢草律我草在風
雲陣發愁鍾王須臾變態皆自我馬形類物無不可闌風
遊雲千萬朵驚龍蹙踏飛欲墮更覩鄧林落葉一作朝狂
風亂擾何飄飄有時凝然筆空捏情在寥天獨飛鶴有時
取勢氣更高憶得春江千里濤張生奇一作絕再難遇王
今書草古草罷臨風展輕素陰慘陽舒如有道鬼狀魑容
若可懼黃公酒壚興偏入阮籍不真嵇亦顧長安酒勝醉

後書此日聘君千里步十九

一圖書陳氏童子草書歌

前人

儒一作書家孺子有奇名天然文一作大章令人驚僧虔老時
把筆法孺子如今皆暗合颯飛電灑眼不及但覺毫端鳴
颯颯有時作點險且能太行片石看欲崩偶然長掣濃又
燥少室孤松歌不倒夏室炎炎少人歡山軒日色在闌干
桐花飛盡子規思主人高歌興不至濁醪不飲嫌昏沉欲
翫草書開我襟龍爪狀奇鼠鬚銳冰牋白哲越人惠王家
小令草最狂為予揮灑一作灑驚騰勢

蕭郎草書歌

顧况

蕭子草書人不及洞庭葉落秋風急上林花開春露濕花

枝濛濛向水垂疑見君數行之灑落石上之松松下鶴若
把君書比仲將不知誰在一作凌雲閣

...

...

...

...

...

文苑英華卷第三百二十九 歌行九

一圖畫

畫山水七首 畫馬五首

畫牛一首 畫竹一首

畫桃花一首 冊青引一首

山水粉圖 陳子昂

山集作圖之白雲兮若巫山之高丘粉群翠之鴻浴又似仙非

蓬瀛海水之周流信夫人之妙道愛雲山以水幽集作

新畫山水障歌奉先尉劉 杜甫

堂上一作不合生楓樹恠底江山起煙霧聞君掃却赤縣

圖乘興遣畫滄州趣畫師亦無數好手不可遇對此融心

神知君重毫素豈但祈岳與鄭屐筆跡遠過楊契丹得非
玄圃圻集作裂無乃瀟湘翻悄然坐我天姥下耳邊已似聞

清猿反思前夜風雨急乃是蒲城鬼神入元氣淋漓障猶
濕真宰上訴天應泣野亭春還雜花遠漁翁暝踏孤舟入

滄浪之水深且闊歌峯側島集作岸秋毫末不見湘妃鼓瑟
時至今班竹臨江活劉侯天機精愛畫入骨髓自有兩兒

即揮灑亦莫比大兒聰明到能添老樹巔崖裏小兒心孔
開貌音貌得山僧及童子若耶溪雲門寺吾獨何為在泥滓

青鞋布襪從此始

戲題王宰畫山水圖歌

前人

十日畫一水五日畫一石能事不受相促逼一作通王宰始

背番真跡壯哉崑崙方壺一作文圖挂君高堂之素壁巴陵

洞庭日本東赤岸水與銀河通中有雲氣隨飛龍舟人漁

子入浦淑山水盡亞集作帶洪濤風尤工遠勢古莫比咫尺

應須論集作行萬里焉得并州快剪刀剪取吳松半江水

當塗趙炎少粉圖山水歌 李白

峨眉西出高極天羅浮直與南溟連名工逸思輝彩筆馳

集作驅山走海置眼前蒲堂空翠如何一作可掃赤城日氣蒼

梧煙洞庭瀟湘意渺綿三江七澤情洄沿驚濤洶湧向何

處孤舟一去迷歸年征帆不動亦不旋飄如隨風落天邊

心搖目斷興難盡又作窮幾時可到三山巔西風崢嶸噴流

泉橫石蹙水波潺湲東岸合沓開集作蔽輕霧深林雜樹空

羊眠集作

此中冥昧失晝夜隱機寂聽無鳴蟬長松之下

列羽客對坐不語南昌仙南昌仙人趙夫子妙年歷落青

雲士餘庭無事羅衆賓杳然如在丹霄裏集作五色粉圖

安足珍真山可以全吾身若待功成拂衣去武陵桃花笑

殺人

同族弟金城尉叔卿燭照山水壁畫歌前人

高堂粉壁圖蓬瀛燭前一見滄州情集作洪沟波湧一作

山崢嶸皎若丹丘隔海望赤城光中乍言集作嵐氣滅謂

逢山陰晴後雪迴溪碧流寂無喧又如秦人月下窺花源

了然不覺清心鬼祇將疊嶂鳴秋猿與君對此心一作未

歌放歌開一作吟達明登却顧海客揚雲帆便欲因之

范山人畫山水歌

顧况

山崢嶸水泓澄漫漫汗汗一筆耕一草一木棲一作神明

忽如空中有物物中有聲復如遠道望鄉客夢遶山川身

不行

嵇山道芬上人畫山水歌

前人

鏡中一作真僧白道芬不服朱審李將軍淥疑作汗平鋪

洞庭水筆頭點出蒼梧雲且看八月十五夜月下看山畫

如畫一作

帝諷錄事宅觀曹將軍畫馬圖歌集作

杜甫

國初已來畫鞍馬神妙獨數江都王將軍得名三十載人

間不入作見真乘黃魯貌先帝照夜白龍池十日飛霹靂內

府殷紅瑪瑙盤作盤婕妤傳詔才人索盤作盤賜將軍拜舞歸

輕統細綺相追隨飛集作貴戚權門得筆跡始覺屏障生光

輝昔日太宗拳毛騮近時郭家師子花今之新集作圖有

二馬復今識者久嘆嗟此皆騎戰一敵萬縞素漠漠開風

沙其餘七匹亦殊絕迴若寒空雜霞集作雪霜蹄蹴踏長

楸間馬官廝養森成列可憐九馬爭神駿集顧視清高氣

深穩借問苦心愛者誰後有常諷前支遁憶昔巡幸新豐

宮翠華拂天來向東騰驤一作磊落三萬匹皆與此圖筋

骨同自從獻寶朝河宗無復射蛟江水中君不見金粟堆

集作前 松柏裏龍媒去盡鳥呼風

天育驃圖集作歌

杜甫

吾聞天子之馬走千里今之畫圖無乃是是何意態雄且

傑駿尾簫梢朔風起毛為綠驃集作兩耳黃眼有紫焰雙

瞳方矯集作然龍性含集作變化卓立天骨森開張伊昔

太僕張景順考牧攻集作駒閱清峻遂令太奴字天育

別養驥子憐神駿當年四十萬匹馬張公歎其材盡下故

獨馮真傳世人見之座右久更新年多物化空形影嗚呼

健步無由騁如今豈無驥裏與驂騑時無王良伯樂死即

休

梁司馬畫馬歌

顧况

畫精神畫筋骨一團旋風瞥滅沒仰秣如上賀蘭山低頭

欲飲長城窟此馬昂然獨此群阿爺是龍飛入雲黃沙枯
積無寸草一日行過千里道展處把筆欲描時司馬一駟
賽傾倒

八駿圖

白居易

穆王八駿天馬駒後人愛之馮爲圖背如龍兮頸如鳥象作

骨聳棘筋高脂肉少集作日行萬里速如飛集作疾穆王

獨乘何所之四荒八極踏欲遍三十二蹄無歇時屬車軸

折趣不及黃屋草生棄若遺瑤池西追赴作王母宴七廟經

年不親薦壁臺南與盛姬遊明堂不復朝諸侯白雪雲黃

竹歌聲動一人荒樂萬人愁周從后稷至文武積德累功

甚勤苦豈知終及五四作代孫心輕王業如灰土由來尤物

不在人能蕩君心即爲害文帝卻之不肯乘千里馬去漢

道興穆王得之不爲戒千里馬集作八駿來周室壞至今此

物尚集作稱珍不知房星之精下爲怪八駿圖君莫愛

蘇君廳觀韓幹馬障歌

顧雲

杜甫歌詩吟不足可憐曹霸丹青曲直言弟子韓幹馬一作

畫畫馬無骨但有肉今日披圖見筆跡一作始知甫也真

凡日秦王學士居武功六印名家聲價雄乃孫屈跡寧百

里好奇學古有祖風竹廳斜日奕碁散延我直入書齋中

屹然六幅古屏上歛見胡人牽入天廡之神龍麟鬚鳳臆

真相似秋竹慘慘披兩耳輕勻杏葉糝皮毛細撚銀絲插

鬃尾思量動步應千里誰見初離溼注水眼前只欠燕雪

飛蹄下如聞朔風起朱崖謫掾從亡歿更有何人鑒奇物
當時若遇燕昭王肯把千金買枯骨

杜秀才畫立走水牛歌

顧况

崑崙兒騎白象時時鏢著師子項奚奴跨馬不搭鞍立走
水牛驚漢官江村小兒好誇騁脚踏牛頭上牛領淺草平
田擦過時大蟲着一作看鈍幾落井杜生知我戀滄洲畫作
一障張床頭八十老婆拍手笑妬他織女嫁牽牛

畫竹歌

白居易

恊律即蕭悅善畫竹舉時無倫蕭亦甚自秘重有終歲求
其一竿一枝而不得者予天與好事忽寫一十五竿惠然
見投予厚其意高其藝無以答既作歌以答集作之凡一

百八十六言歌曰

三字佳示舉時文粹作

植物之中竹難寫古今雖畫無似者蕭即手下

集作下手

獨逼真丹青已

集作

來咄

一人人畫竹身肥擁腫簫畫莖

瘦節節竦人畫竹梢死羸垂簫畫枝活葉葉動不根而生

從意生不笋而成由筆成野塘水邊碕岸側森森兩叢十

五莖嬋娟不失筠粉態蕭颯畫得風煙情舉頭忽看不似

畫低耳靜聽疑有聲西叢七莖勁而健省向天竺寺前一作

邊石上見東叢八莖疎且寒憶曾湘妃廟裏雨中看幽姿

遠思少人別與君相顧空長嘆蕭即蕭即老可惜手戰眼

昏頭雪色自言便是絕筆時從今此竹尤難得

觀脩處士畫桃花圖歌

裴諧

一從天寶王維死于今始遇脩夫子能向較綃四幅中
青暗與春爭工勾芒若見應羞殺暈綠勻紅漸分別堪憐
彩筆似東風一朶一枝隨手發燕支乍濕如含露引得嬌
鶯癡不去多少遊蜂盡日飛看遍花心求入處工夫妙麗
實絕竒似對韶光好時節偏宜留着待深冬鋪向樓前
霜雪

丹青引贈曹將軍霸

杜甫

將軍魏武之子孫於今為庶為清門英雄割據皆集作已
矣文精彩風流猶尚存集作今尚存學書初學衛夫人但恨無
過王右軍丹青不知老將至富貴於我如浮雲開元之年
常引見承恩數上南殿凌煙功臣少顏色將軍下筆開

生面良相頭上進賢冠猛將腰間大羽箭褒公鄂公毛髮

動英姿颯颯猶

集作颯
爽來

酣戰先帝天馬玉花驄畫工如山

貌不同是日牽來赤墀下迴立閭闔生長風詔謂將軍拂

絹素意匹慘淡經營中斯須九重真龍出一洗萬古凡馬

空王花却在御榻上榻上庭前屹相向至尊含笑催賜金

圍人大僕皆惆悵弟子韓幹早入室亦能畫馬窮殊狀集

相幹唯畫肉不畫骨忍使驂驪氣凋喪將軍畫善蓋有神

必逢佳士亦寫真即今漂泊干戈際屢貌尋常行路人途

窮返遭俗眼白世上未有如公貧

一作他富至
今吾徒貧

但看古來

盛名下終日坎壈纏其身

時 樽和畫肉不畫骨 恩刺鞞 躡屐 疾奔泚 軍畫善 蓋育林
圍入大對 皆剛 却采 子韓 韓早人 室亦捐 畫馬 讓 粉 米 其
空王 芬 泚 奔 吟 獸 土 獸 前 如 卧 向 至 尊 含 尖 對 顯 金
龍 素 意 四 變 交 靈 營 中 澳 承 大 重 直 銷 出 一 武 萬 古 以 馮
豈 不 同 吳 日 牽 來 表 與 下 豎 立 聞 闔 坐 身 風 臨 臨 泚 軍 泚
煙 英 姿 風 風 醉 爽來 酒 燁 去 帝 天 馮 王 芬 鷓 畫 工 收 山
坐 面 身 卧 顯 土 豎 習 銀 益 泚 顯 聞 大 臣 簡 爽 公 澤 公 手 變

文苑英華卷第二百四十

歌行十

雜贈

江揔一首

任華二首

杜甫四首

李白一首

張謂一首

崔顥一首

王季友三首

僧鸞一首

贈袁洗馬篇

見二百六十六卷

江揔

雜言贈杜拾遺

任華

杜拾遺名甫第二才甚奇任生與君別別來幾多時何曾

一日不相思杜拾遺知不知昨日有人誦得數篇黃絹詞

吾恠異奇特一作其借問果稱是集作果杜二之所為勢

搜虎豹氣騰蛟螭滄海

一作波

無風似鼓蕩華岳平地欲奔

馳曹劉俯仰慙大敵沈謝逡巡稱小兒昔在帝城中盛名

君一箇諸人見所作無不心膽破即官叢裏作狂歌丞相

閣中常醉卧前年皇帝歸長安承恩闊步青雲端積翠扈

遊花匝匝披香寓直月團樂英才特達承天曉公卿誰不

相欽羨只緣汲黯好直言遂使安仁却為椽如今避地錦

城隅幕下英寮每日相隨

集作就

提玉壺半醉起舞將鬢鬚

乍低乍昂傍若無古人制禮但為防俗士豈得為君設之

乎而我不飛不鳴亦何以只待朝廷有知己亦曾讀却無

限書拙詩一句兩句在人耳如今看之揔無益又不能崎

嶇傍朝市且當事耕稼豈得便從爾南陽葛亮為友朋友

山謝安作隣里閑常把琴

一作抱琴

弄悶即携樽起鶯啼二月

三月時花發千山萬山裏此中幽廣無人知火急將書憑

驛吏為報杜拾遺

雜言贈李白

前人

古來文章有奔逸氣聳高格清人心神驚人魂魄我聞當

今有李白大鵬賦鴻猷文嗤長卿笑子雲班張所作瑣細

不入耳未知卿雲得在嗤笑限否登廬山觀瀑布海風吹

不斷江月照還明余愛此兩句登天台望渤海雲垂大鵬

飛山壓巨鼇背斯言亦好在至於他所作多不拘常律振

起擺騰既俊且逸或醉中掃紙或乘興

一作興來

走筆手下忽

然

一作有

片雲飛眼前劃見孤峯出而我有時白日忽欲睡

覺之不覺歛然起攘臂任生知有君君還知有任生未中
間聞道在長安及余戾止君已江東訪元丹邂逅不得見
君面每常把一作有時酒向東望良父見說往年在翰林曾中
牙戟何森森新詩傳在宮人口佳句不離明主心身騎天
馬多意氣目送飛鴻對豪貴承恩詔入九幾廻待詔歸來
仍半醉權臣妬盛名群犬多吠聲有勅放君却歸隱淪屣
高歌大笑出關去且向東山爲外臣諸侯交逐馳朱輪白
壁一雙買交者黃金百鎰相知人平生傲岸其志一無此二字
不可測數此一字無十年爲客未會一日低顏色八詠樓中坦
腹眠五侯門下無心憶繁花越臺上細柳吳宮側綠水青
山知有君白雲明月偏相識養高蕪養閑可見不可攀

周萬物外范蠡五湖間又聞一作傳訪道滄海上丁令王喬

時一作每還往蓬萊經是曾到來方丈豈唯方一丈伊余每

欲乘興遠相尋江湖擁隔勞寸心今朝忽遇東飛翼寄此

一章表胷臆儻能報我一片言但訪任華有人識

入奏行贈竇侍御時統檢察使杜甫

竇侍御驥之子鳳之雛年未三十忠義俱骨鯁絕代無烟

如一段清水出萬壑置在迎風寒露之玉壺拓一作漿歸

厨金盃凍洗滌煩熱足以寧君軀政下園杜詩注作整用踈通合

典則戚聯豪貴耽文儒甲兵集作兵革未息人未蘇天子亦念

西南隅吐蕃憑陵氣頗麤竇氏檢察應時須一作才運糧

繩橋壯士喜斬木火井窮集作寒猿呼八州刺史思一戰三

城守邊却可圖此行入奏計未小密奉聖主集作旨恩宜殊

繡衣春當下氏註霄漢立綵服日何下氏註庭闈趨一有開濟

人所仰飛騰時正須十字省即京尹必俯拾江花未落四字下氏還成

都携酒肯訪浣花老為君着衫將髭鬚十四字一作肯訪浣花老翁無為君

酣酒滿眼酷與奴白飯馬青芻

徒步歸行贈李特進借馬自鳳翔往鄜州途經邠州作前人

明公壯年值時危經濟實藉英雄姿國之社稷今若是武

定禍亂非公誰鳳翔千官且飽飯衣馬不復能輕肥青袍

朝士最困者白頭拾遺徒步歸人生交契無老少論心集

何必先同調妻子山中哭何天須公櫪上追風驃

此詩三百五十卷重出今已削去

贈嚴二別駕相逢集作從歌人下前人

我行入東川十步一回首成都亂罷氣蕭瑟浣花草堂亦

何有梓中下氏杜詩作州豪貴下氏作俊大者誰本州從事知名又把

臂開罇飲我酒酒酣擊劍蛟龍吼烏帽拂塵青螺下氏注

注作粟紫衣將多緋衣走銅盤燒蠟光下氏注吐日夜如

何其初促膝黃昏始扣主人門誰謂俄頃下氏注膠在漆

萬事盡付形骸外百年未及集作見歡娛畢神傾意豁真佳

士久客多憂今愈疾高視乾坤又可下氏注愁一軀交態

何悠悠垂老遇君未恨晚似君須向古人求

贈裴施州 前人

廊廟之具裴施州宿昔一逢無此流金鍾大鑪在東序水

壺玉衡

集作

懸清秋自從相遇減

集作

多病三歲為客寬

邊愁堯有四岳明至理漢二千石真分憂幾度寄書白監

北苦寒贈我青絲

集作

裘霜雪回光避錦繡蛟龍

集作

篋蟠銀鈞紫衣使者辭復命再拜故人謝佳政將老已失

子孫憂後來况接不華盛遙憶書樓碧池映

集無

憶舊遊贈

集作

誰

李白

憶昔洛陽薰糟丘為余天津橋南造酒樓黃金白壁買歌

笑一醉累日

集作

輕王侯海內賢豪青雲客就中與君

集作

一遇又見心莫逆廻山轉海不作難傾情倒意無所惜我何

淮南攀桂枝君留洛北愁夢思不忍別還相隨相隨迢迢

訪仙城三十六曲水廻縈一溪初入千花明萬壑度盡唯

松聲銀鞍金絡到平地漢東太守來相迎紫陽之真人邀

我吹玉笙食霞樓上動仙樂嘈然宛似鸞鳳鳴袖長管吹

欲輕舉漢東

集作

太守醉起

賦

舞手持錦袍覆我身我

醉橫眠枕其股當筵意氣陵九霄星離兩散不終朝分飛

楚關山水遙余既還山尋故巢君亦歸家

一作

思歸渡渭橋君

家嚴君勇貔虎

一作

作尹并州適戎虜五月相呼度太行

摧輪不道羊腸苦行來京北

一作

京歲月深感君貴義輕黃

金一作青玉案使我醉飽無歸心時時出向西城

集作

城西曲晉祠流水如碧玉浮丹弄水簫鼓鳴微波龍鱗莎草

綠興來携妓恣經過其若楊花似雪何紅粧欲醉宜斜日

一作

如百尺清潭寫翠蛾翠蛾嬋娟初月輝美人更唱舞

羅衣清風吹歌入空去歌曲自繞行雲飛此時歡行一作樂

難再遇西遊因獻長楊賦北闕青雲不可期東山白首還

歸去渭水橋南集作渭一遇君鄴臺之北又離羣問余別

恨今多少集作鸞飛求落花春暮爭集作送紛紛言亦不

可盡情亦不可極集作情亦不可盡呼兒長跪緘此詞寄

君千里遙相憶言亦不可極恐非

贈喬林

張謂一作劉

去年上策不見收今年寄食仍淹留羨君有酒能便醉羨

君無錢能不憂如今五侯不愛文粹客羨君不過文粹

愛五侯宅如今七賢方自尊羨君不過七賢兩用七賢詩

門人生集作會應有知己世上悠悠何足論本皆作七賢

此詩三百五十三卷重出前已削去

贈王威古見二百崔顥

代賀令譽贈沈千運見二百五玉季友

滑州贈崔士灌前篇作見二百三十卷前人

贈一作李十六岐見二百四前人

贈李粲秀才字輝僧鸞

隴西輝冊真才子搜奇探險無倫比筆下鈎磨巨闕鋒胸

中靜艷西江水哀絃古樂清人耳月露溥溥激一作激秋

鬼谷地無塵到曉吟杉松老葉風乾起十軸示余三百篇

金碧爛光燒蜀牋雄芒逸氣測不得使我躑躅成狂顛大

知遠濶空無邊疑明淡綠收餘煙曠懷相對景何限落日

亂岑清倚天又驚大舶帆高懸行濤擊浪陵飛仙回首瞥
見五千仞撲下香爐瀑布泉何事古人誇八斗焉敢今朝
定妍醜颯風驅雨暫不停始向場中稱大手駿如健鶻鴉
與鷗拏雲獵野翻重霄孤狸竄伏不敢動却下雙鳴當迅
颯愁如湘靈哭湘浦咽咽哀音隔雲霧九嶷深翠轉巍峩
仙骨寒消不知處清同野客敲越甌丁當急響涵清一作中
愁鸞雛相引叫未定霜結夜闌仍在樓高若太空露雲物
片白激疑青皆髣髴仙鶴閑從翠羽飛巨鰲頭戴蓬萊出
前輩歌詩唯翰林神仙老格何高深鞭馳造化繞筆轉燦
爛不為酸苦吟夢乘明月清沉沉飛到天台天姥岑傾湖
湧海數百字字字不朽長縱金龜日移多一作君可儔侶

珠璣璣滿玄圃終日並轡遊崑崙十二樓中宴王母

<p>鸞雛相引叫</p>	<p>青皆髮髯仙鶴閑從</p>	<p>前輩歌詩唯翰林神仙老格何意</p>	<p>爛不為酸苦吟夢乘明月清沉</p>	<p>不登幾許文圃忽日並</p>
<p>夜</p>	<p>飛</p>	<p>深鞭馳造化繞筆轉</p>	<p>到天台天姥岑傾</p>	<p>巖</p>

